



香山酒頌目錄卷上

歌七首

浩歌行

勸酒歌二首

短歌

醉歌示妓人商玲瓏

短歌

狂歌詞

五言古詩二十六首

效陶潛體詩十六首

醉中得上都親友書以予停俸多時憂問  
貧乏偶乘酒興詠而報之

九日醉吟

對酒自勉

嘗新酒

早飲湖州酒寄崔使君

醉後重贈晦叔

對新家醞既自種花

春盡日天津橋醉吟偶呈李尹侍郎

對琴酒

晚春沽酒

城上對月期友人不至

目錄卷之丁

五言古詩十二首

卯時酒

花下對酒二首

勸醉寄元九

香山詩公  
廿九卷三  
酬樂天勸醉

北窓三友

對酒

對酒示行簡

把酒

首夏南池獨酌

飲後戲示弟子

對酒閒吟贈同老者

七言古詩六首

醉後狂言酬贈蕭殷二協律

詩酒琴人例多薄命

詠家醞十韻

正狂吟七言十四韻

自勸

胡吉鄭劉盧張等六賢

五言律詩

何處難忘酒七首

不如來飲酒七首

把酒思閒事二首

七言律詩三首

五言酒聽歌招客

家釀新熟

鏡換盃

五言絕句二首

嘗新酒憶晦叔二首

七言絕句三首

變法

携酒往朗之莊居同飲

閒眠

雜言二首

四不如酒

吟四雖

附元稹詩

七言絕句

先醉

獨醉

宿醉

懼醉

羨醉

憶醉

病醉

擬醉

勸醉

任醉

同醉

狂醉

目錄

香山酒頌卷

夷門廣牘

唐

白居易

居易

易

著

明

周履

靖

靖

和

歌七首

浩歌行

白居易

天長地久無終畢。昨夜今朝又明日。鬢髮滄浪  
牙齒疎。不覺身年四十七。前去五十有幾年。把  
鏡照面心茫然。既無長繩繫白日。又無大藥駐  
朱顏。朱顏日夜不如故。青史功名在何處。欲留

香山清公  
卷五  
年少待富貴。富貴不來年。少去。去復去。芳如長  
河。東流赴海無迴波。賢愚貴賤同歸盡。北邙塚  
墓高嵯峨。古來如此非獨我。未死有酒且高歌。  
顏回短命伯夷餓。我今所得亦已多。功名富貴  
須待命。命苟不來知奈何。

和首

周履靖

朝生暮死無休畢。及時不樂待何日。雙鬢蕭疎  
牙齒稀。明年不覺五十七。週甲只在三歲間。朝  
來臨鑑情悽然。生銅豈能鑄玉體。靈丹難以保

紅顏。紅顏易改世仍故。不如寘身醉鄉處。鼓堂  
大笑勝榮貴。煩惱場中我不去。光陰迅若黃  
河。黃河東逝不返波。世事紛紛何日了。荒郊孤  
塚幾嵯峨。且將樽酒終日醉。醉去一任我狂歌。  
石崇豪富今安在。富貴終更世亦多。布衣茅屋  
既安命。知命樂天爲如何。

勸酒歌二首

古書陳思王集卷之二十一  
未人  
昨與美人對樽酒。朱顏如花腰如柳。今與美人  
傾一杯。秋風颯颯頭上來。年光似水向東去。兩

香山遺公  
鬢不禁白日催。東鄰起樓高百尺。璇題照日光  
相射。珠翠無非二八人。盤筵何啻三千客。西鄰  
儒者方下帷。夜誦古書朝忍飢。身年三十未入  
仕。仰望東鄰安可期。一朝逸翮乘風勢。金榜高  
張登上第。春闈未了冬登科。九萬搏風誰與繼。  
不逾十稔居台衡。門前車馬紛縱橫。人人仰望  
在何處。造化筆頭雲雨生。東鄰高樓色未改。主  
人云亡息猶在。金玉車輿一不存。朱門更有何  
人待。墻垣反鎖長安春。樓臺漸漸屬西鄰。松篁  
薄暮亦栖鳥。桃李無情還笑人。憶昔東鄰宅初  
構。雲霓彩棟皆非舊。瑤瑁筵前翡翠樓。芙蓉池  
畔鴛鴦闥。日往月來凡幾秋。一衰一盛何悠悠。  
但教帝里笙歌在。池上年年醉五侯。

和

憶昔少年嗜杯酒。此身常醉烟花柳。年過五十  
興未頽。無奈白雪入鬢來。韶光渾似石中火。東  
昇西沒頻相催。阿房宮闕高千尺。朱甍画棟五  
彩射。孟嘗慷慨集英豪。門下濟濟皆雄客。仲舒



潛心下書帷伯夷高蹈甘忍飢古來達士各有  
志賢愚總歸百歲期睥睨輕浮倚聲勢一朝富  
貴更門第俄然時異災害侵連雲甲第誰堪繼  
神昏智昧無權衡百慮憂煎事亂橫妻孥反目  
童僕背瘠田荒土難聊生猖狂酒徒樂不改壯  
歲風流今尚在晝對名花飲數甌邀月開樽獨  
自待以酒爲樂當芳春酒爲主人花爲鄰良朋  
喜有枝上鳥任渠相喚縱酒人高堂大厦何須  
構眼前相識非故舊終日陶陶卧醉鄉素性嬾  
與時競聞栖遲茅屋度春秋此身無累心悠悠  
安貧靜養意自足俯仰無愧輕王侯

其二

勸君一盞君莫辭勸君兩盞君莫疑勸君三盞  
君始知面上今日老昨日心中醉時勝醒時天  
地迢迢日長久白兔赤烏相趁走身後堆金到  
北斗不如生前一樽酒君不見春明門外天欲  
明喧喧歌哭半死生遊人駐馬出不得白鬢紫  
車爭路行歸去來頭已白典衣將用沽酒喫

香山酒頌  
勸我一杯我弗辭勸我二杯我弗疑勸我三杯  
我已知形容顛顛非昔日醒時不及舉杯時幻  
軀弱質豈延久金烏玉兔疾奔走羅綺千箱珠  
幾斗弗換牀頭一甕酒君不見劉伶阮籍與淵  
明以酒以詩樂餘生庸流俗輩豈省得趨名競  
利紛忙行急回頭鬚髮白老至有酒不能喫

短歌

曠曠太陽如火色上行千里下一刻出爲白晝

入爲夜團轉如珠住不得住不得可奈何爲  
舉酒歌短歌歌聲苦詞亦苦四座少年君聽取  
今夕未竟明日催秋風纏徃春風迴人無根蒂  
時不駐朱顏白日相隳頹勸君且強笑一面勸  
君復強飲一杯人生不得長歡樂年少須臾老  
到來

和

桃花如錦間柳色千金難買春宵刻畫賞名園  
清夜遊達人解此真落得真落得意如何滿斟

香清公  
卷之十一  
廿九  
綠醕且高歌聲弗苦味弗苦座上英豪靜聽取  
春去秋來且暮催夏日炎炎冬信迴難將長繩  
繫白日寒暑相逼玉貌頽興來鼓掌發一笑悶  
時吸酒數十杯自信百歲容易盡須知年少不  
復來

醉歌示妓人商玲瓏

罷胡琴掩秦瑟玲瓏再拜歌初畢誰道使君不  
解歌聽唱黃雞與白日黃雞催曉丑時鳴白日  
催年酉時沒腰間紅綬繫未穩鏡裡朱顏看已  
失玲瓏玲瓏奈老何使君歌了汝更歌

和

移蓮步抱錦瑟一曲陽春聲未畢座中讌笑罄  
瓊漿歡娛興狂嫌短日玲瓏媚娜更多情慇懃  
相勸待月沒酩酊今宵樂未央那管人間得與  
失我生我生將奈何不如飲酒且高歌

短歌

不愁雙鬢短獨愛明月滿開樽坐良夜籟寂玉  
漏長月中花下影草上飛清霜人事共相易頃

爾成散場華堂變隙地荒塚皆柔桑觀之興戚  
戚達人須進觴醉花翫明月莫負好時光

和

萬事任長短惟愛樽中滿年華悲去促壽命苦  
不長自信兒童態人憐兩鬢霜終日博一醉應  
無三萬場請觀古時墓多半栽麻桑我今休悵  
悵且進尊前觴春晝賞花柳秋宵翫月光

狂歌詞

明月照君席白露沾我衣勸君酒盃滿聽我狂

歌詞五十已後衰二十已前癡晝夜又分半其  
間幾何時生前不歡樂死後有餘資焉用黃墟  
下珠衾玉匣爲

和

庭花開灼灼香氣襲我衣對景且持盞狂歌白  
苧詞世情渾是假不如狂與癡年華若轉軸歡  
樂能幾時有酒弗肯飲牀頭空盈資神魄歸冥  
漠金帛將何爲

五言古詩

五効陶潛體詩十六首

并序

與金身余退居渭上社門不出時屬多雨無以  
樂始然自娛會家醞新熟雨中獨飲往往酣醉  
終日不醒懶放之心彌覺自得故得於  
此而有以忘於彼者因詠陶淵明適興  
意會遂劬其體成十六篇醉中狂言醒  
輒自哂然知我者亦無隱焉

不動者厚地不息者高天無窮者日月長在者  
山川松栢與龜鶴其壽皆千年嗟嗟群物中而  
人獨不然早出向朝市暮已歸下泉形質及壽  
命危脆若浮烟堯舜與周孔古來稱聖賢借問  
今何在一去亦不還我無不死藥萬萬隨化遷  
所未定知者脩短遲速間幸及身健日當歌一  
樽前何必待人勸持此自爲歡

和

無量者世事莫測者昊天易過者歲月不竭者  
長川歡樂能有幾浮生少百年人爲萬物靈斯  
心當皎然曉來陞天衢薄暮歸幽泉功名草上

香山酒錄 卷之十一 其十一  
露富貴等雲烟古來放達者竹林隱七賢芳名  
流宇內形迹去弗還我生成酒癖處貧興不遷  
終日懶出戶盤桓詩酒間或歌明月下或醉名  
花前林臯恣吟嘯誰知此種歡

其二

翳翳踰月陰沉沉連日雨開簾望天色黃雲暗  
如土行潦毀我墉疾風壞我宇蓬莠生庭院泥  
塗失場圃村深絕賓客窓晦無儔侶盡日不下  
床跳鼃時入戶出門無所往入室還獨處不以  
酒自娛塊然與誰語

和

夜半東風狂朝來瀟瀟雨浥彼枝上花潤我桑  
柘土涼颼入松窓滴瀝鳴山宇兒童垂竹簾園  
丁鋤後圃泥塗阻軒車閒寂無朋侶曾次自悠  
然開樽闔蓬戶雞聲聞隔鄰漁笛知何處一杯  
咏一詩恍對劉伶語

其三

朝飲一盃酒冥心合元化兀然無所思日高尚

閒卧暮讀一卷書會意如嘉話欣然有所遇夜  
深猶獨坐又得琴上趣安絃有餘暇復多詩中  
狂下筆不能罷唯茲三四事特用度晝夜所以  
陰雨中經旬不出舍始悟獨住人心安時亦過

和

幻質裹皮囊終歸於大化悟徹此中機悠然北  
窓卧喜歌勸酒詩懶聽俗人話忽遇好懷開持  
盃花下坐一盃復一盃樂此良辰暇飲至五斗  
餘興狂何肯罷醉眠芳草中不知晝與夜天際

流閑雲暮雨清屋舍陶情樽俎間餘生倏忽過

其四

東家采桑婦雨來苦愁悲簇蠶北堂前雨冷不  
成絲西家荷鋤叟雨來亦然咨種豆南山下雨  
多落爲萁而我獨何幸醞酒本無期及此多雨  
日正遇新熟時開瓶瀉樽中玉液黃金脂持翫  
已可悅歡賞有餘滋一酌發好容再酌開愁眉  
速進四五酌酣暢入四肢忽然遺我物誰復分  
是非是時連夕雨醪酎無所知人心苦顛倒反

香山酒公  
卷之十一  
五十九  
為憂者嗤

和

農夫見雨喜行旅途路悲園亭花逞色簷桷蛛  
收絲東郊遊俠子泥濘成嗟咨林麓兩畦荳搖  
落摧為萁匪獨人變更天道亦難期山齋晝陰  
陰飲酒當此時歌徹陽春調壺傾琥珀脂逸興  
賴爾發詩腸澁藉滋一杯暢我思數盞舒雙眉  
飲至八九盞已覺柔四肢醪醕宇宙間任彼議  
我非耳畔咨咀語醉後總不知風塵名利客却

與醉翁嗤

其五

朝亦獨醉歌暮亦獨醉睡未盡一壺酒已成三  
獨醉勿言飲太少且喜歡易致一盃復兩盃多  
不過三四便得心中適盡忘身外事更復強一  
盃陶然遺萬累一飲一石者徒以多為貴及其  
醕酌時與我亦無異笑謝多飲者酒錢徒自費

和

卯飲不至酣夜酌弗及睡對酒開我懷何須博



香山酒公 卷之五 其六  
大醉但識追其歡探討酒中致喜則傾一壺興  
來加再四且適眼前情少卻塵中事不啻俗人  
非自喜蠲其累心泰斯爲福身閒可抵貴縱飲  
忽成癡欲與世人異寄語達者知莫把精神費

其六

天秋無片雲地靜無纖塵團團新晴月林下生  
白輪憶昨陰霖天連連三四旬賴逢家醞熟不  
覺過朝昏私言雨霽後可以罷餘樽及對新月  
色不醉亦愁人床頭殘酒榼欲盡味彌淳携至  
南簷下舉酌自殷勤清光入盃杓白露生衣巾  
乃知陰與晴安可無此君我有樂府詩成來人  
未聞今宵醉有興狂詠驚四鄰獨賞猶復爾何  
况有交親

和

萬里掃浮雲蒼穹絕點塵秋水共一色海底現  
水輪天澄氣斯朗皎潔惟中甸對景堪爲歡縱  
飲不至昏醉來得好句興高倒清樽對月發長  
嘯共影成三人所嗜詩與酒存心朴且淳自嫌

真懶癖遇事苦不勤泠泠秋露下浥我頭上巾  
放達希嵇阮無爲學老君但樂酒中興弗期後  
世聞醴醕爲嘉友青山是比鄰一朝身命殞何  
者爲相親雲蒼宮跡與塵林木共一色

其七

中秋三五夜明月在前軒臨觴忽不飲憶我平生  
歡我有同心人邈邈崔與錢我有忘形友迢迢  
李與元或飛青雲上或落江湖間與我不相  
見于今三四年我無縮地術君非馭風仙安得  
明月下四人來晤言良夜信難得佳期杳無緣  
明月又不住漸下西南天豈無他時會惜此清  
景前

和

長空昇皎月清光滿東軒桂樹影婆娑窓虛助  
人歡欣然坐中夜貰酒不用錢興欲追嵇阮詩  
賡白與元吾性成踈散游心詩酒間詩可陶情  
性酒可適暮年但識此中趣何必求神仙劉伶  
頌其德世世稱名言心與古人契自信有宿緣

香山酒錄 卷之七 其八  
不妨時俗議與彼各一天但能日日醉卧倒名  
花前

其八

家醞飲已盡村中無酒沽坐愁今夜醒其奈秋  
懷何有客忽叩門言語一何佳云是南村叟挈  
榼來相過且喜樽不燥安問少與多重陽雖已  
過籬菊有殘花歡來苦晝短不覺夕陽斜老人  
勿遽起且待新月華客去有餘趣竟夕獨酣歌

和

樹居處屋兩間興躡溪邊徑茶烹碧澗泉狂來  
松下嘯醉後花底眠寰中得真樂人間別有天  
白雲封牖外烏鵲枝上喧逸少翫曲水安石遊  
東山才華豈能若意氣頗倣前怡情詩共酒樂  
志在郊原

其十

湛湛樽中酒有功不自伐不伐人不知我今代  
其說良將臨大敵前驅千萬卒一簞投河飲赴  
死心如一壯士磨七首憤勇氣咆嘯一酣忘報

讐四體如無骨東海殺孝婦天旱踰年月一酌  
酹其魂通宵雨不歇咸陽秦獄氣冤痛結爲物  
千歲不肯散一沃亦銷失况茲兒女恨及彼幽  
憂疾快飲無不消如霜得春日方知麴蘖靈萬  
物無與疋

和

矯矯幕下士結髮從征伐未得樹奇功雖死有  
誰說臨陣冒鋒鏑驅馳驃騎卒旌旄蔽長空衆  
心秉歸一英雄奮威武赫奕呼咆嘍征袍染衆  
腥原野堆白骨不得流聲名徒費茲歲月當此  
好良宵何如杯弗歇人生類草莽終歸一朽物  
堪嗟碌碌者知得未知失善惡似鑑明日月如  
疾俄然身委頓翫賞終無日百味以酒先自  
醺難爲疋

其十一

烟霞隔玄圃風波限瀛洲我豈不欲往大海路  
阻脩神仙但聞說靈藥不可求長生無得者舉  
世如蜉蝣逝者不重廻存者難久留踟躕未死

間何苦懷百憂念此忽內熱坐看成白頭舉盃  
還獨飲顧影自獻酬心與口相約未醉勿言休  
今朝不盡醉知有明朝不見郭門外纍纍墳  
與丘明月愁殺人黃蒿風颼颼死者若有知悔  
不秉燭遊

和

生本無所嗜逸志在滄洲幽蹤絕塵市闔戶惟  
潛脩心無事愛憎於世何營求百年駒過隙一  
身等蜉蝣滔滔黃河水東逝無復留生死在時

息徒勞千載憂何如馬長卿得興醉壚頭又羨  
白居易新詩日賡酬當年追勝賞後世垂芳休  
余多詩酒癖將來並存不古今英傑士俱埋土  
一丘衰草籠寒烟悲風涼颼颼達者悟此機挈  
壺且遨遊

其十二

吾聞潯陽郡昔有陶徵君愛酒不愛名憂醒不  
憂貧嘗爲彭澤令在官纔八旬愀然忽不樂掛  
印著公門口吟歸去來頭戴漉酒巾人吏留不

得直入故山雲歸來五柳下還以酒養真人間  
榮與利擺落如泥塵先生去已久紙墨有遺文  
篇篇勸我飲此外無所云我從老大來竊慕其  
爲人其他不可及且勸醉昏昏

和

迂踈惟愛酒此癖難語君但願杯中滿不慮身  
後貧興至罄幾斗醕酤常及旬白雲封我徑皎  
月照我門詩俚費更韻酒濁賴葛巾身世如鴻  
毛得失等浮雲萬物俱是幻嗤彼認爲真妻孥  
旅邸客富貴几上塵匪獨此時論先達述其文  
可與知者道莫向俗子云古來好酒客俱是放  
達人啣杯竟追歡豈限晝與昏

其十三

楚王疑忠臣江南放屈平晉朝輕高士林下棄  
劉伶一人常獨醉一人常獨醒醒者多苦志醉  
者多歡情歡情信獨善苦志竟何成兀傲甕間  
卧憔悴澤畔行彼憂而此樂道理甚分明願君  
且飲酒勿思身後名

且和

余身閒更逸此心寬且平賡詩追李白縱酒學  
劉伶一日六時醉十旬九不醒與酒為莫逆處  
世忘其情年過五十外一事恨無成不作久長  
策且就短歌行卧甕畢吏部對菊陶淵明斯人  
去已遠至今垂芳名

其十四

有一燕趙士言貌甚奇瓌日日酒家去脫衣典  
數盃問君何落魄云僕生草萊地寒命且薄徒  
抱王佐才豈無濟時策君門乏良媒三獻寢不  
報遲遲空手迴亦有同門生先升青雲梯貴賤  
交道絕朱門叩不開及歸種禾黍三歲旱為灾  
入山燒黃白一旦化為灰蹉跎五十餘生世苦  
不偕處處去不得却歸酒中來

和

醉里一狂士貌古心愈瓌放浪于山水終日啣  
其杯花間時翫賞何羨登蓬萊但有五斗量而  
無七步才甘心茅茨下不必倩求媒綠樹村前

合清流屋後迴吟哦代鼓瑟力倦登舟梯對花  
佳興發向月好懷開絕跡煩惱境此身無咎灾  
俠氣猶冰霜壯心成死灰生惟酷嗜酒茲與世  
不諧命稟猶天賦榮枯任去來

其十五

南巷有貴人高盖駟馬車我問何所苦四十垂  
白鬚荅云君不知位重多憂虞北里有寒士甕  
牖繩爲樞出扶桑梨杖入卧蝸牛廬消散無憂  
患心安體亦舒東鄰有富翁藏貨徧五都東京

收粟帛西市鬻金珠朝營暮計筭晝夜不安居  
西舍有貧者匹婦配匹夫布裙行賃春短褐坐  
傭書以此求口食一飽欣有餘貴賤與貧富高  
下雖有殊憂樂與利害彼此不相踰是以達人  
觀萬化同一途但未知生死勝負兩何如遲疑  
未知間且以酒爲娛田夫謂爲無事而夫謂爲

和

落魄林下叟穩步爲軒車仰天發長嘯浩然掀  
其鬚身處於丘壑中心斯無虞朱槿葺環堵衡



門繩作樞無事足不出偃卧黃茅廬興來對樽  
酒三杯意自舒但謀酒中樂不求聞上都身安  
等榮達心泰勝藏珠功名風裡絮華屋水上居  
朝爲北舍宅暮屬一田夫匪爲孟浪語先賢著  
有書智者能知止勿求黃金餘一朝大數盡貴  
賤無等殊醉鄉日喜至崎嶇足不踰滾滾風塵  
道營營利祿途驅馳晝弗息物化將何如還輸  
放達者詩酒長自娛

其十六

濟水澄而潔河水渾而黃交流列四瀆清濁  
相傷太公戰牧野伯夷餓首陽同時號賢聖進  
退不相妨謂天不愛民胡爲生稻梁謂天果愛  
民胡爲生豺狼謂神福善人孔聖竟栖遑謂神  
禍淫人暴秦終霸王顏回與黃憲何辜早夭亡  
蝮蛇與鳩鳥何得壽延長物理不可測神道亦  
難量舉頭仰問天天色但蒼蒼唯當多種黍日  
醉手中觴

和

春花紅滿樹，倏忽秋葉黃。光景易遷邁，觀之成感傷。西麓沉皓魄，東山昇太陽。昇沉日暮間，人事多相妨。南里有富室，倉廩儲穀粱。北鄰育年少，勇猛若虎狼。營營構籌策，寸衷日遑遑。暴虐有商紂，荒淫謂吳王。二君失修德，畢竟至殞亡。但識杯中趣，何計世短長。惟事醉還醒，此樂爲無量。及時弗痛飲，堪悲鬢易蒼。那管身後計，且罄幾壺觴。

醉中得上都視友書以予停俸多時憂

貧乏偶乘酒興詠而報之

頭白醉昏昏，狂歌秋復春。一生耽酒客，五度棄官人。異世陶元亮，前生劉伯倫。卽將琴作枕，行以鍾隨身。歲要衣三對，年支穀一困。園葵烹佐板，秋葉掃添薪。沒齒甘蔬食，搖頭謝搢紳。自能抄爵祿，終不惱交親。但得盃中綠，從生甑上塵。煩君問生計，憂醒不憂貧。

和長林題幾齋室內一空因戲書於壁

街盃朝至昏，不獨翫芳春。林下狂士塵，中無

香山公 卷之五 菊 九日醉吟  
用人山濤情更洽阮籍志同倫醉倒和衣臥寒  
來薜掩身牀頭幾甕酒室內一空困摘藿供宵  
餉烹茶葉代薪但喜歌白雪胡羨掛儒紳日與  
琴書伴還欣魚鳥親只愁壺內竭不厭釜生塵  
惟願時時醉脩然豈慮貧  
九日醉吟  
有恨頭還白無情菊自黃一爲州司馬三見歲  
重陽劍匣塵埃滿籠禽日月長身從漁父笑門  
任雀羅張問疾因留客聽吟偶置觴嘆時論

伏懷舊數存亡奈老應無計醫愁或有方無過  
學王勣唯以醉爲鄉

和

故人貽酒至剛值菊花黃賞花追靖節把盞慶  
重陽性逸渾忘醉林幽覺晝長盤桓樽棻內豈  
畏塵網張逢時吟短句遇景謾持觴萬事誰能  
久有興必有亡怡情無別策痛飲是奇方年來  
辭世路日醉白雲鄉

對酒自勉

香山酒公 卷之五 共卷五  
五十江城守停盃一自思頭仍未盡白官亦不  
全卑榮寵尋過分歡娛已校遲肺傷雖怕酒心  
健尚誇詩夜舞吳娘袖春歌蠻子詞猶堪三五  
歲相伴醉花時

和

今年五十五老至動悲思髮白與猶在家貧志  
未卑追歡還勝昔對酒却嫌遲且傾三五竿  
就幾篇詩謾弄桓伊笛高歌元亮詞晝閒卯  
飲夜醉月明時

盃盃新酒

空腹嘗新酒偶成卯時醉醉來擁褐裘直至齋  
時睡靜酣不語笑真寢無夢寐殆欲忘形骸詎  
知屬天地醒餘和未散起坐澹無事舉臂一欠  
伸引琴彈秋思

和

厨人報酒熟嘗之已得醉模糊倒石牀不覺成  
鼾睡黑甜菊枕餘悠然得安寐醒來烹碧泉殘  
日照隙地明月吐松巔林靜無塵事拂几理瑤

琴一曲澄幽思  
陳朝早飲湖州酒  
寄崔使君

榼扶頭酒泓澄  
瀉玉壺十分蘸  
甲酌欲灩滿  
銀盃捧出華光動  
嘗看氣味殊  
手中稀琥珀舌  
上冷醍醐瓶裡  
有時盡江邊  
無處沽不知  
崔太守更有寄來無

和

曉起未盥漱  
家僮進酒壺  
紫螯堪把手  
綠醅喜盈盃  
爛若晴霞色  
香醇與世殊  
還勝舊醞醪  
不必覓醍醐  
豈愁壺內罄  
隣肆可能沽  
但得侵晨醉  
何妨音信無

醉後重贈晦叔

老伴知君少歡情  
向我偏無論  
踈與數相見  
輒欣然各以詩成癖  
俱因酒得仙  
笑迴青眼語  
醉並白頭眠  
豈是今投分  
多疑宿結緣  
人間更何事  
攜手送衰年

和

如君世應鮮氣俠  
思猶偏每逢欣對酒  
把盞各

香山公  
卷之五  
樂府  
陶然交誼膠投漆狂同李謫仙春來花下醉秋  
至月中眠塵事性寡冷山林信有緣相期日共  
晤樽酒樂餘年

並白對新家醞翫自種花  
香麴親看造芳叢手自栽迎春報酒熟垂老看  
花開紅蠟半含萼綠油新醱醅玲瓏五六樹  
澹兩三盃恐有狂風起愁無好客來獨酣還獨  
語待取月明迴

和

芳醪秋後釀梅樹臘中栽春到花應發牀頭酒  
正開冰姿香滿座霞彩映新醅興折芳葩戴清  
狂罄百杯歡情猶未已明月到窓來欲盡今宵  
賞參橫方始迴

春盡日天津橋醉吟偶呈李尹侍郎

白居易

宿雨洗天津無泥未有塵初晴迎早夏落照送  
殘春興發詩隨口狂來酒寄身水邊行嵬峩橋  
上立逡巡踈傳心情老吳公政化新三川徒有

香山酒公  
主風景屬閒人  
雨過水平津街衢滌垢塵  
葵花映晴日桃萼送  
芳春信口歌新句踈狂了此身  
竚橋觀水色把盞且逡巡  
蹟茂君當重循良美政新偶因題即  
事盃酒醉山人

對琴酒

西窓明且暖晚坐卷書帷  
琴匣拂開後酒瓶添滿  
時角樽白螺盞玉軫黃金徽  
未及彈與酌相對已依依  
泠泠秋泉韻貯在龍鳳池  
油油春雲心一盃可致之  
自古有琴酒得此味者稀  
祗應康與籍及我三心知

和

獨坐北窓下好月照我帷  
開樽傾宿釀把盞對月時  
微醺興已發拂几撫金徽  
一曲梅花調幽情喜相依  
芳枝壓白雪清影浸方池  
操罷懷自愜綠醕再進之  
鼓琴與酌酒嗜者世應稀  
伯倫與子期神契爲相知

晚春沽酒

百花落如雪兩鬢垂作絲春去有來日我老無  
少時人生待富貴爲樂常苦遲不如貧賤日隨  
分開愁眉賣我所乘馬典我舊朝衣盡將沽酒  
飲酩酊步行歸名姓日隱晦形骸日變衰醉卧  
黃公肆人知我是誰

和

芳花頃沾土綠髮忽成絲人衰無復壯花落有  
開時愚者俟榮達榮達來更遲何如安其命不  
必感兩眉貧錢可買笑沽酒當典衣時尋二三  
侶弗醉弗言歸翫景情堪惜追歡與未衰壚頭  
休語竭酩酊不知誰

城上對月期友人不至

古人惜晝短勸令秉燭遊况此迢迢夜明月滿  
西樓復有樽中酒置在城上頭期君君不至人  
月兩悠悠照水烟波白照人肌髮秋清光正如  
此不醉即須愁

和



香山酒頌  
莫論晝長短還當良夜遊必須秉玉燭芳宴設  
南樓蟋蟀鳴庭砌寒鳥集樹頭美人期未至令  
我意悠悠天籟更深寂長空月正秋忽聞雲外  
鴈嘹唳動吾愁

香山酒頌卷之上

香山酒頌卷之下

唐白居易著

明周履靖和

五言古詩

卯時酒

佛法讚醍醐仙方誇沆瀣未如卯時酒神速功  
力倍一盃置掌上三嚥入腹內煦若春貫腸暗  
如日炙背豈獨肢體暢仍加志氣大當時遺形  
骸竟日忘冠帶似遊華胥國疑及混元代一性



香山酒公 卷之十 廿九卷廿  
藹藹江氣春南賓閨正月梅櫻與桃杏次第城  
上發紅房爛簇火素艷紛圍雪香惜委風飄愁  
牽壓枝折樓中老太守頭上新白髮冷淡病心  
情暄和好時節故園音信斷遠郡親賓絕欲問  
花前樽依然爲誰設

和

江南陽早回春至逢臘月茶花開滿庭芳梅枝  
上發碧葉襯紅柵綠萼映皓雪無奈朔風吹何  
妨俗子折林中一散人鬢鬆兩鬢髮對花把一

不負此佳節闔戶成山林門外轍迹絕山童  
解我懷衾枕榻上設

和

芳梅報早春幽鳥啼嘉月壚頭酒正馨狂夫興  
始發盃中盈綠醕梅花欺白雪對景樂良辰母  
容手攀折五斗暢詩腸一枝簪皓髮清思紀新  
吟高懷賞令節醅醕心始閒頃爾萬緣絕漫語  
膝前兒藜牀傍窓設

其二

香山酒公 卷之十 共卷三  
引手攀紅櫻紅櫻落似霰仰首看白日白日走  
如箭年芳與時景頃刻猶衰變况是血肉身安  
能長強健人心苦迷執慕貴憂貧賤愁色常在  
眉歡容不上面况吾頭半白把鏡非不見何必  
花下盃更待他人勸

和

山茶與隴梅性貞何慮霰日行如擲梭月沒迅  
若箭綠髮染清霜朱顏忽更變看花開好懷把  
盞情愈健不慕富與貴豈憂貧與賤三五暢人  
懷春風生滿面高低北邙塚問君見不見逢時  
應翫賞遇酒何須勸

和

戲折枝上花瓣落如紅霰白日疾奔駛韶華去  
似箭時序頃更遷滄海桑田變四體覺頽然何  
能得久健不思有限身惟愁貧與賤雙眉感終  
朝憂色形于面曉來臨青銅衰癯豈忍見且罄  
壺中漿自斟還自勸

勸醉寄元九

香山酒錄 卷之六 廿七卷六  
薤葉有朝露槿枝無宿花君今亦如此促促生  
有涯既不逐禪僧林下學楞伽又不隨道士山  
中煉丹砂百年夜分半一歲春無多何不飲美  
酒胡然自悲嗟俗號消愁藥神速無以加一盃  
駢世慮兩盃反天和三盃即酪酏或笑任狂歌  
陶陶復兀兀吾孰知其他況在名利途平生有  
風波深心藏陷穿巧言織網羅舉目非不見不  
醉欲如何

樂天勸醉

神趨清濁酒牡丹深淺花少年欲相飲此樂何  
可涯沉機造神境不必悟楞伽酩酊顏返童貌安  
用成丹砂劉伶稱酒德所稱良未多願君聽此  
曲我爲盡稱嗟一盃顏色好十盃膽氣加半酣  
得自恣酪酏歸太和共醉真可樂飛觥撩亂歌  
獨醉亦有趣兀然無與他美人醉燈下左右流  
橫波王孫醉牀上顛倒眠綺羅君今勸我醉勸  
醉意如何

入土和

香山酒錄 卷之十 廿九卷七  
人生薤上露富貴眼前花壽命知有限世事苦  
無涯何須學參禪不必誦楞伽金丹亦孟浪奚  
用煨朱砂樂地追歡少寸衷愁更多紛忙奔白  
晝清夜發長嗟造物固有定不能損與加弗如  
對樽酒一盞情始和二盞興方至鼓掌發告歌  
酩酊忘憂樂模糊知有他睜目覩醒者誰識風  
與波智人解得失不受塵網羅愚生但嗜酒大  
醉能幾何

北窓三友

今日北窓下自問何所爲欣然得三友三友者  
爲誰琴罷輒舉酒七罷輒吟詩三友遞相引循  
環無已時一彈愜中心一詠暢四肢猶恐中有  
間以醉彌縫之豈獨吾拙好古人多若斯嗜詩  
有淵明嗜琴有啓期嗜酒有伯倫三人皆吾師  
或乏儋石儲或穿帶索衣絃歌復觴詠樂道知  
所歸三師去已遠高風不可追三友游甚熟無  
日不相隨左擲白玉卮右拂黃金徽興酣不疊  
帟走筆操狂詞誰能持此詞爲我謝親知縱未

以爲是豈以我爲非  
徐徐北風至臨窓一  
無爲陶然樂其志思曠知  
有誰且斟一盃酒漫歌陶謝詩  
酒可成興  
至忘其時遁迹少言過寡欲惜體肢適有臨池  
趣揮毫傲獻之癖性匪我獨昔賢亦如斯縱酒  
嵇叔夜耽詩沈佺期鍾繇寫宣示唐晉皆可師  
簞食不爲耻綠荷足紉衣閒身結三友詩酒字  
同歸情懷欲希古且暮苦相追歌輟即飲酒  
闌筆硯隨三友日浹洽言行期慎徽狂來任踈  
散誕慢歌一詞但可悅所志不堪朋舊知賦性  
本愚拙任彼談是非

對酒

人生一百歲通計三萬日何況百歲人人間百  
無一賢愚共零落貴賤同埋沒東岱前後魂北  
邛新舊骨復聞藥誤者爲愛長生術又有憂死  
者爲貪政事筆藥誤不得老憂死非因疾誰言  
人性靈知得不知失何如會親友飲此盃中物

能沃煩慮消能陶真性出所以劉阮輩終年醉  
兀兀

和

靜計一歲中爲樂能幾日古來七十少見世百  
難一不思生有期曉忙至日沒寒烟凝衰草黃  
土埋白骨叅透此玄機何必學丹術興至賦新  
詩狂來揮幾筆對酒却成歡陶然忘痼疾嗤彼  
塵寰人全不知得失何肯傾壺觴惟惜囊內物  
悞罹羅網中欲脫無計出豈若陶淵明籬畔醉

兀兀  
對酒示行簡

余且一樽酒歡暢何怡怡此樂從中來他人安  
得知兄弟唯二人遠別恒苦悲今春自巴峽萬  
里平安歸復有雙幼妹笄年未結褵昨日嫁娶  
畢良人皆可依憂念兩消釋如刀斷羈縻身輕  
心無繫忽欲凌空飛人生苟有累食肉常如飢  
我心旣無苦飲水亦可肥行簡勸爾酒停盃聽  
我辭不歎鄉國遠不嫌官祿微但願我與爾終



老不相離  
漉酒數不數  
官懸爵  
賦未與爾

和無苦  
對木木  
四四  
行前  
世河  
四四  
到正

甕頭酒初熟清馥令人怡能解胃中鬱還堪叙  
故知且追河朔飲不作傷秋悲逢歡須盡興弗  
醉豈云歸裊娜吳姬舞暄風颺彩襦歌聲多宛  
轉雅度堪相依遇賞當通夕逢歡意自縻情同  
魚鳥樂心逐野雲飛狂來忘早暮廢食不知飢  
淡中有真味何羨甘與肥偶爾對佳客把盞歌  
新辭功名若片帟身世等塵微豈能金石固百

歲終當離

把酒

把酒仰天問古今誰不死所貴未死間少憂多  
歡喜窮通諒在天憂喜即由已  
是故達道人去彼而取此  
勿言未富貴久矣居祿仕借問宗族  
間幾人拖金紫勿憂漸衰老且喜加年紀試數  
班行中幾人及暮齒朝食不過飽五鼎徒為爾  
夕寢止求安一衾而已矣此外皆長物於我浮  
雲似有子不留金何況兼無子

和子不留金何足羨無子

達者常惺惺有生終有死堪哂世上人百憂無  
一喜富貴本在天豈能恃在已弗解把酒歡驅  
馳至於此但得滿芳樽何須羨榮仕座中一點  
紅不必身衣紫日醉好韶光落魄終歲紀花枝  
戴角巾旨酒嚼皓齒兩眼任模糊渾忘我與爾  
欲盡此宵歡五斗斯足矣塵世碧霄空幻身萍  
梗似荷鍾傲劉伶乘風學列子

首夏南池獨酌

春盡雜英歇夏初芳草深薰風自南至吹我池  
上林綠蘋散還合頰鯉跳復沉新葉有佳色殘  
鶯猶好音依然謝家物池酌對風琴慙無康樂  
作乘筆思沉吟境勝才思劣詩成不稱心

和

一番送春雨池添幾尺深草色增新綠篔簹長  
舊林萍藻聚還散遊魚浮欲沉古槐清蔭襲黃  
鳥絕佳音心賞習家興醉枕伯牙琴醒來仍呼  
酒高歌白頭吟拂拂松風至涼生愜我心

飲後戲示弟子  
吾爲爾先生爾爲吾弟子孔門有遺訓復坐吾  
告爾先生饌酒食弟子服勞止孝敬不在他在  
茲而已矣欲我少憂愁欲我多歡喜無如醞好  
酒酒須多且旨旨即賓可留多即壘不耻吾更  
有一言爾宜聽入耳人老多憂貧人病多憂死  
我今雖老病所憂不在此憂在半酣時樽空坐  
客起

和

生年五十餘遶膝皆稚子欲渠通古今弱齡何  
能爾旦暮誨勤劬未解吾且止但修方寸間賢  
愚數而矣祛却心上愁開樽情更喜味能適我  
口何必希甘旨欲求過其分後世恐遺耻惟願  
實其腹豈用悅目耳人豈能久長百歲終歸死  
得失經幾番塵世皆如此且罄眼前杯醕酊扶  
不起  
對酒閒吟贈同老者  
人生七十稀我年幸過之遠行將盡路春夢欲

香山酒錄 卷之三  
覺時家事口不問世名心不思老既不足歎病  
亦不能治扶持仰奴僕將養信妻兒飢飽進退  
食寒暄加減衣聲妓放鄭衛裘馬脫輕肥百事  
盡除去尚餘酒與詩興來吟一篇吟罷酒一卮  
不獨適情性兼用扶衰羸雲液洒六腑陽和生  
四肢于中我自樂此外吾不知寄同老者捨此  
將安歸莫學蓬心叟胷中殘是非

和

百篇李太白瀟灑崔宗之知章乘駿馬卸盃樂  
當時杜公詠成歌歌之興我思遇花情始暢把  
酒心自怡鼓舞成狂態豪吟似健兒皎月照綺  
席涼風動薜衣樽內松醪冽盤中蓴菜肥醉餘  
歌古調興至寫新詩漫揮三五首鯨吸千百卮  
能陶情與性復可滋形羸瓊漿和五內玉液充  
四肢醉鄉無盡樂惜哉人不知惟有陶元亮知  
止一賦詩願期終日醉能忘是與非

七言古詩

醉後狂言酬贈蕭殷二協律

香山詩集 卷之六 七言古詩  
餘杭邑客多羈貧其間甚者蕭與殷天寒身上  
猶衣葛日高甌中未拂塵江城山寺十一月北  
風吹沙雪紛紛賓客不見綈袍惠黎庶未沾襦  
袴恩此時太守自慙愧重衣複衾有餘溫因命  
染人與針女先製兩裘贈二君吳綿細軟桂布  
密柔如狐腋白似雲勞將詩書投贈我如此小  
惠何足論我有大裘君未見寬廣和暖如陽春  
此裘非繒亦非纊裁以法度絮似仁刀尺鈍拙  
製未畢出亦不獨褰一身若令在郡得五考與

君展覆杭州人

和

古來賢達俱困貧白公所憐惟蕭殷鶉衣不足  
爲君耻厨中瓦釜生埃塵朔風凜冽戶外吼簷  
前雨雪亂繽紛白衣不見持酒至忍寒未逢惠  
炭恩堪羨賢哉二千石紉衣貽惠令人溫廣施  
德澤世應寡千載之下稱白君 敦友道如山  
重揮金自是輕浮雲古風淳朴誠尚義俗世澆  
漓奚必論淒 行徑若秋思倏忽蓬戶回陽春

敬賢日餽子思饌須賈憫贈綈袍仁曾次汪洋  
豈期報受惠還應當殺身賦斯古調流海內今  
人哦咏知古人  
詩酒琴人例多薄命予酷好三事雅當此  
科而所得已多為幸斯甚偶成狂詠聊

寫愧懷

愛琴愛酒愛詩客多賤多窮多苦辛中散步兵  
終不貴孟郊張籍過於貧一之已嘆關於命三  
者何堪併在身只合飄零隨草木誰教凌勵出  
風塵榮名厚祿二千石樂飲閒遊三十春可得  
無厭時咄匕猶言薄命不如人

和

嗜酒携琴猶俠客推敲奇句屬艱辛孫登至老  
不榮貴羅隱陶潛甘守貧儋石無儲安我命浮  
觴鼓曲樂閒身莫將形體同枯木自是情幽屏  
俗塵猿鶴追隨依竹石黃鶯相喚醉芳春無榮  
無辱無名叟落魄林泉一散人

詠家醞十韻

獨醒從古笑靈均長醉如今數伯倫舊法依稀  
傳自杜新方要妙得於陳井泉王相資重九麴  
蘖精靈用上寅釀糯豈勞炊范黍撇筍何用漉  
陶巾常嫌竹葉凡濁始覺榴花不正真甕揭聞  
時香酷烈錙封貯後味甘辛捧疑明水從空化  
飲似陽和滿腹春色洞玉壺無表裏光搖金盞  
有精神能消忙事成閒事轉得憂人作樂人應  
是世間賢聖物與君還往擬終身

和

踈狂那羨屈靈均惟願追隨劉伯倫造釀古來  
遵杜法殊方品物亦須陳調和麴蘖隆冬月汲  
水新方用甲寅謾炊玉粒千升糯漉去塵滓不  
用巾色如蔣徑篔簹葉味勝濂溪蓮更真開埕  
幽馥盈虛室入口猶嫌冽倍辛琥珀光浮玉笋  
面陶然滿目總宜春賓朋宴集全憑爾社稷春  
秋仗祀神心蓄千愁能頃釋林間時伴賞花人  
我儕性僻無他嗜日日從君了此身

狂吟七言十四韻

亦知世是休明世自想身非富貴身尤恐人間  
爲長物不如林下作遺民遊依二室成三友住  
近雙林當四鄰性海澄滄平少浪心田灑掃淨  
無塵香山間宿一千夜梓澤連遊十六春是客  
相逢皆故舊無僧每見不殷勤藥停有喜閒銷  
疾金盡無憂醉忘貧補綻衣裳愧妻女支持酒  
肉賴交親俸隨日計錢盈貫祿逐年支粟滿困  
洛堰魚鮮供取食村果熟饋爭新詩章人與傳  
千首壽命天教過七旬點檢一生微俸事東都  
除我更無人

和

莫將光景因循過須信人生有限身落魄林泉  
成隱逸徜徉世外是天民鶴琴詩酒爲佳友翠  
竹芳梅結比鄰蒿徑喜無車馬跡茅齋寂靜絕  
埃塵一樽醺醪傾秋夜新句堪題送晚春樵叟  
談棋情更適漁人共飲意殷勤閒心瀟灑還勝  
貴宿醞盈壺未信貧幾度風花成樂事間閑黃  
鳥日相親每欣溪畔垂綸艇那羨西鄰粟幾困



閒步竹林初解籜夜來雨過一番新悠悠潦倒  
松窓榻不到江城已十旬謾言衣紫長安客且  
罄芳樽作散人

自勸

稀稀踈踈遶籬竹窄窄狹狹向陽屋屋中有一  
曝背翁委置形骸如土木暮半爐赭炭火夜深  
一盞紗籠燭不知有益及民無二十年來食官  
祿就暖移盤簷下食防寒擁被帷中宿秋官月  
俸八九萬豈徒遣爾身温足勤操丹筆念黃沙

莫使飢寒囚滯獄

和

跡梅幾樹間叢竹曲上清溪環矮屋頽垣宛轉  
碧蘿垂石徑森上蔭古木幽禽林杪遞清音灼  
上山花向人燭日隨鹿豕樂餘年豈羨人間利  
與祿鑄烹脫粟飽晨餐明月穿窓伴我宿不求  
塵世識姓名老我山林恒自足閒心終日樂潛  
修厭聽僧家論地獄

胡吉鄭劉盧張等六賢皆多年壽予亦次

焉偶於弊居合成尚齒之會七老相顧既  
醉甚歡靜而思之此會稀有因成七言六  
韻以紀之傳好事者

七人五百七十歲拖紫紆朱垂白鬚手裡無金  
莫嗟嘆樽中有酒且歡娛詩吟兩句神猶王酒  
飲三盃氣尚麤鬼我狂歌教婢拍婆娑醉舞遣  
孫扶天年高過二踈傳人數多於四皓圖除却  
三山五天竺人間此會更應無

和

漫和香山七老會幾人衣紫幾鬚鬚聯詩竹下  
並歡賞列坐花間把酒娛堪羨昔賢題句逸吾  
儕賡倡寫情麗諸君行樂林泉下爲問曾將竹  
杖扶高雅詩篇難備紀風神還用廬中圖白公  
勝集千秋在應信高情萬古無

五言律詩

勸酒十四首

并序

予分秩東都居多假日閒來輒飲醉後  
輒吟苦無詞章不成謠詠每發一意則

成一篇凡十四篇皆在于酒聊以自勸  
故以何處難忘酒不如來飲酒命篇

何處難忘酒七首

何處難忘酒長安喜氣新初登高第後乍作好  
官人省壁明張榜朝衣穩稱身此時無一盞爭  
奈帝城春

和

何處難忘酒花開鶯語新王孫乘駿騎柳陌擁  
遊人麗日融庭院暄風拂我身此時無一盞辜

負一年春

其二

何處難忘酒天涯話舊情青雲俱不達白髮遞  
相驚二十年前別三千里外行此時無一盞何  
以叙平生

和天

何處難忘酒停舟叙故情年華客裡過霜雪鬢  
邊驚隔歲恨為別今宵喜共行此時無一盞不  
得罄平生

詩卷其三

何處難忘酒朱門羨少年春分花發後寒食月  
明前小院迴羅綺深房理管絃此時無一盞爭  
過艷陽天

和

何處難忘酒雪飛慶有年阻跡衡門下圍爐小  
牖前畏寒增短褐無興鼓清絃此時無一盞何  
物禦冬天

其四

何處難忘酒霜庭老病翁暗聲啼蟋蟀乾葉落  
梧桐鬢爲愁先白顏因醉暫紅此時無一盞何  
計奈秋風

和

何處難忘酒林泉落魄翁賡詩凭淨几鍊句倚  
孤桐池畔梨花白庭前芍藥紅此時無一盞虛  
度好春風

其五

何處難忘酒軍功第一高還鄉隨露布半路授

旌旄玉柱剝葱手金章爛椹袍此時無一盞何  
以騁雄豪

賈汝和風

何處難忘酒王孫意氣高乘驄持劍戟隨從擁  
旗旄射鵬開羽箭獲兔污羅袍此時無一盞不  
足稱英豪

情奈其六

何處難忘酒青門送別多歛襟收涕淚簇馬聽  
笙歌烟樹灞陵岸風塵長樂坡此時無一盞爭  
奈去留何

和

何處難忘酒客途愁思多江干分別袂亭畔唱  
離歌柳色侵征騎風霜滿遠坡此時無一盞旅  
况却如何

其七

何處難忘酒逐臣歸故園赦書逢驛騎賀客出  
都門半面瘴烟色滿衫鄉淚痕此時無一盞何  
物可招魂

香山詩集 卷之十 廿九卷五  
何處難忘酒名花開滿園流鶯啼野樹訪客過  
蓬門綠柳侵衣色緋桃映蘚痕此時無一盞何  
可暢詩魂

不如來飲酒七首

莫隱深山去君應到自嫌齒傷朝水冷貌苦夜  
霜嚴漁去風生浦樵歸雪滿巖不如來飲酒相  
對醉厭厭

和

衡門恒自足毋使俗人嫌乘風臨北牖闔戶避  
寒嚴孟浪山樵樂隆冬涉險巖不如來飲酒醉  
去覺厭厭

其二

莫作農夫去君應見自愁迎春犁瘦地趁晚餒  
羸牛數被官加稅稀逢歲有秋不如來飲酒相  
伴醉悠悠

和

睥睨愚無悟何須終日愁從人呼俗客與子作

香山酒公  
其卷五  
犁牛弗思虛歲月爲問幾春秋不如來飲酒奚  
計世悠悠

其三

莫作商人去恓惶君未諳雪霜行塞北風水宿  
江南藏鏹百千萬沉舟十二三不如來飲酒仰  
面醉酣酣

和

世羨爲商羨烟波豈易諳觸霧迎潮上隨風渡  
海南渾忘秋八九弗知春二三不如來飲酒堪

哂賈忘酣

其四

莫事長征去辛勤難具論何曾畫麟閣祇是老  
轅門蟣虱衣中物刀鎗面上痕不如來飲酒合  
眼醉昏昏

和

芸窓十載苦書史枉評論何日登仙籍終年杜  
草門几硯飛塵土文章滿蠹痕不如來飲酒縱  
飲樂朝昏

其五

莫學長生去仙方悞殺君那將薤上露擬待鶴  
邊雲矻矻皆燒藥累累盡作墳不如來飲酒閒  
坐醉醺醺

和

但習修心術何須禮老君未聞乘白鶴豈見駕  
青雲老少人生命高低郊甸墳不如來飲酒瀟  
灑至微醺

其六

莫上青雲去青雲足愛憎自賢誇智慧相糾鬪  
功能魚爛緣吞餌蛾燹為撲燈不如來飲酒任  
性醉騰騰

和

懶涉塵中事心無愛與憎藏修惟守拙處世歎  
無能夏日雲間電冬宵漏盡燈不如來飲酒浮  
白恣歡騰

其七

莫入紅塵去令人心力勞相爭兩蝸角所得一



香山酒  
卷之十一  
蘇軾  
牛毛且滅嗔中火休磨笑裏刃不如來飲酒穩  
卧醉陶陶

和

素擅孫吳術談兵百計勞指揮猶震電殺戮等  
鴻毛帳下時持戟腰間日佩刀不如來飲酒從  
我樂陶陶

把酒思閒事二首

把酒思閒事春愁誰最深乞錢羈客面落第舉  
人心月下低眉立燈前抱膝吟憑君勸一醉勝

與萬黃金

和

把酒思閒事花飛愁更深雨阻尋春興風羈歸  
客心寒窓對雪坐月夜倚桐吟憑君勸一醉何  
用贈兼金

其二

把酒思閒事春嬌何處多試鞍新白馬弄鏡小  
青娥掌上初教舞花前欲按歌憑君勸一醉勸  
了問如何

香山酒公  
和

把酒思閒事芳枝鶯語多筵前呈美樂花底坐  
嬌娥玉笋傾新醞金箏奏雅歌憑君勸一醉此  
日興如何

七言律詩

嘗酒聽歌招客

一甕香醪新插筓雙鬟小妓薄能謳管絃漸好  
新教得羅綺雖貧免外求世上貪忙不覺苦人  
間除醉即須愁不知此事君知否君若知時從

我遊

和

山厨甕內始新筓傾入瘦瓢興欲謳清嘯代笙  
成獨樂嫩蔬爲肉勿過求賦詩能却閒煩惱縱  
酒堪消俗慮愁爲問君家知未不可扶鳩杖謾  
追遊

家釀新熟每嘗輒醉妻姪等勸令少飲因

成長句以諭之

君應怪我朝朝飲不說向君上不知身上幸無

疼痛處癡頭正是撇嘗時劉妻勸諫夫休醉王  
姪分踈叔不癡六十三翁頭雪白假如醒黠欲  
何爲宋  
和  
休哂狂夫終日醉酒中真味爾何知功名自信  
應無分利祿方思弗是時落魄林間原有癖踈  
狂世上已成癡年來五十因循過萬事從今一  
不爲

鏡換盃

誰聽

和

我儕終日醉七眼笑人醒自君拋我去白雪少  
人聽

七言絕句

變法

自慙到府來周歲惠愛威稜一事無唯是改張  
官酒法漸從濁水作醍醐

和

年來萬事總模糊利祿營心近喜無闌向風前  
歌一曲興來花畔醉醞醑

携酒往朗之莊居同飲一車燕却長如新  
慵中又少經過處別後都無勸酒人不挈一壺  
相就醉若爲將老度殘春

和

携樽漫訪村東墅列席花間對逸人把盞不論  
塵世事靜聽山鳥鬧芳春

閒眠

暖牀斜卧日熏腰一覺閒眠百病消盡日一餐  
茶兩碗更無所要到明朝

和

懶向侯門折此腰閒眠石榻俗情消夜來聲却  
香醪甕一枕蘧蘧至詰朝

雜言二首

四不如酒

一名啄木曲

莫買寶剪刀虛費千金直我有心中愁知君剪  
不得莫磨解結錐虛勞人氣力我有腸中結知

君解不得莫染紅絲線徒誇好顏色我有雙淚  
珠知君穿不得莫近紅爐火炎氣徒相逼我有  
兩髻雪知君消不得刀不能剪心愁雖不能解  
長結線不能穿淚珠火不能銷髻雪不如飲此  
神聖盃萬念千憂一時歇

和

秋水白如銀長江萬里直心縈千種愁江水滌  
不得休採五色芝枉費辛勤力憂苦寸腸結靈  
丹醫不得隋珠稱夜光兼金耀赤色萬斛與千  
鈞命傾一無得嬌姿動人歡晝夜情相逼雖有  
鋒利刃恩愛割不得水不能滌其愁芝不能開  
盤結金不能保延齡刃不能割歡悅不如吸盡  
三百盃千愁萬慮皆休歇

吟四雖

酒酣後歌歇時請君添一酌聽我吟四雖年雖  
老猶少於韋長史命雖薄猶勝於鄭長水眼雖  
病猶明於徐郎中家雖貧猶富於郭庶子省躬  
審分何僥倖值酒逢歌且歡喜忘榮知足委天

和亦應得盡生生理

和

浮白後欲止時侑君進幾酌漫聽歌四雖心雖

拙臨池學張長史人雖愚風宗荆浩山水智雖

蠢謾和陶靖節詩眼雖昏燈前常誦莊子生平

此心無所好歌此四雖情足喜徜徉宇宙任去

來靜中已悟乘除理

附元稹詩

七言絕句二十四首

先醉

今日樽前敗飲名三杯未盡不能傾怪來花下

長先醉半是春風蕩酒情

和

世間孟浪酒人名一觴未罄步先傾潦倒花前

歌白苧兒童不解醉翁情

獨醉

一樹芳菲也當春漫隨車馬擁行塵桃花解笑

鶯能語自醉自眠那藉人

和自酒自題

穠桃弱柳競芳春  
樹底開樽遠俗塵  
自酌自斟成獨樂  
數聲啼鳥伴幽人

宿醉

風引春心不自由  
等閑衝席飲多籌  
朝來始向花前覺  
度却醒時一夜愁

和

夜來沉醉問何由  
觴政威嚴罰酒籌  
斗轉銀河歡始洽  
醅醕此夕蕩人愁

懼醉

兩道秋寒怯夜寒  
不辭泥水為君盤  
殷勤懼醉有深意  
愁到醒時燈火燭

和

年衰入醉覺輕寒  
怯捧金盃玉盞  
樽未傳謾燒絳蠟  
坐更

羨醉

綺陌高樓競醉眠  
共期顛覆不相憐  
也應自有尋常日  
虛度而今正少年

壺中酒罄只貪眠不飲令人祇自憐却羨山翁  
終日醉街盃屈指弗多年

憶醉熱絲絛坐更  
自歎旅人行意速每嫌盃酒緩歸期今朝偏  
更時別淚落風前憶醉時

去年此日花間醉今日酒意甚清風前  
情似昔高歌渾似少年時

### 病醉

醉伴見儂因酒病道儂無酒不相窺那知下藥  
還沾底人去人來剩一卮

### 和

春遊興洽眠芳草一任兒童笑語窺怪底沉酣  
朝未醒時親藥裹厭金卮

### 擬醉

九月閑宵初向火一樽清酒始行盃憐君城外  
遙相憶冒雨衝泥黑地來



搜句晴窓神已怠支頤斐几喚茶盃恍疑夜酌  
猶沉涵潦倒方牀似醉來

勸醉

寶家能釀銷愁酒但是愁人便與銷願我共君  
俱寂寞只應連夜復連朝

和

追歡俠客惟詩酒萬慮千愁仗爾銷自是良辰  
莫辜負從教觴味醉花朝

任醉

本怕酒醒渾不飲因君相勸覺情來殷勤滿酌  
從聽醉乍可欲醒還一盃

和

攜樽挈侶遊花徑一吸壘傾與始來飲至月斜  
拚酩酊臨行猶是罄金盃

同醉

柏樹臺中推事人杏花壇上鍊真形心源一種  
閒如水同醉櫻桃林下春

閨吹和同輶對林下春

扶杖村西拉友人開樽花底已忘形呼童謾啓

牀頭醞共醉韶華二月春

狂醉

一自柏臺為御史二年辜負兩京春峴亭今日

顛狂醉舞引紅娘亂打人

和

相期郭外追歡賞鼓舞花間樂暮春劇飲模糊

忘去住狂歌一曲暢幽人  
香山酒頌  
下卷終

### 唐宋元明酒詞目錄

#### 上卷

飲興 調酒泉子

司空圖

南樓漫酌 調玉樓春

歐陽炯

美人夜醉 調菩薩蠻

歐陽炯

贈酒妓 調應天長

孫光憲

春宴 調生查子

孫光憲

扁舟泛湖 調定風波

李珣

夜宴 調生查子

歐陽彬

幽居 調定風波

李珣

春宴 調生查子

孫光憲

蘭舟載酒二闕 調南鄉子

李珣

勸酒 調菩薩蠻

韋莊

醉歸 調天仙子

韋莊

春日睡起 調酒泉子

張泌

荷亭漫酌 調漁歌子

顧瓊

漁家樂四闕 調漁歌子

李珣

詠漁四闕 調南鄉子

詠醉 調醉落魄

蘇軾

元夕夜宴 調一剪梅

程篁墩

舞酒妓 調鳳樓梧

劉雲間

夜宴 調金蕉葉

柳耆卿

飲興 調青杏兒

趙閒閒

春飲 調漁家傲

周美成

飲興 調感皇恩

毛澤民

飲興 調一年春

党世傑

將進酒 調小梅花

高仲常

飲興

調拂霓裳

晏同叔

歌妓

調意難忘

周美成

下卷

初夏飲興

調滿庭芳

周美成

禁釀

調木蘭花慢

羅壺秋

詠酒

調浣沙溪

歐陽永叔

勸酒

調西江月

黃庭堅

感悟

調西江月

朱希真

警世

調西江月

朱希真

詠酒

調鷓鴣天

晏叔原

冬飲

調桃源憶故人

張于湖

歡飲

調浪淘沙

歐陽永叔

歌妓

調南鄉子

趙孟頫

歌飲二闋

調法駕道引

韓夫人

席中贈妓

調沁園春

瞿士衡

遊西湖

調醉江月

辛棄疾

遊西湖

調賀新郎

辛棄疾

戒酒辭杯

調沁園好

辛棄疾

勸飲

調沁園春

辛棄疾

夜酌荷亭

調蝶戀花

周權

百字謠

周權

九日舉觴

調沁園春

周權

飲酒

調春雲怨

王世貞

題美人捧觴

調解語花

王世貞

謝袁履善惠酒

調賀新郎

王世貞

謝汝欽姪惠酒

調賀新郎

王世貞

病起飲酒

調朝中措

王世貞

且醉題

調臨江仙

王世貞

問先生酒後如何二闕

折令

王世貞

江南春詞二闕和倪雲林韻

周履靖

雨夜

調臨江仙

周履靖

壽利川曹封君六泰六闕

周履靖

調望仙門

調千秋歲

調連理枝

調萬年歡

調鼓笛慢

調磬人嬌

唐宋元明酒詞卷之上

嘉禾周履靖逸之甫和韻

雲間陳繼儒仲醇甫校正

金陵荆山書堂梓行

飲興

酒泉子

司空圖

買得杏花十載歸來方始折。假山西畔藥欄東。  
滿枝紅。旋開旋落旋成空。白髮多情人更惜。  
黃昏把酒祝東風。且從容。

和西風東風且發容

周履靖

上苑好花不許庸人將手折。把杯斜倚瑣窓東。  
映杯紅。遊蜂狂蝶鬧晴空。美景芳辰應可惜。  
騷人得興醉春風。任從容。

南樓湯酌

玉樓春

歐陽炯

月照玉樓花似錦。樓上醉和春色寢。綠楊風送  
小鶯聲。殘夢不成離玉枕。堪愛晚來韶景甚。  
寶柱秦箏方再品。青蛾紅臉笑來迎。又向海棠

花下飲。

和

日暎碧桃如片錦。花色滿樓人欲寢。隔牆時遞  
巧禽聲。驚醒逸人清夢枕。花萼柳絲嬌媚甚。  
古調新詩宜細品。樓前飛燕遶簾迎。咲坐玉樓  
窓畔飲。

美人夜醉

菩薩蠻

歐陽炯

曉來中酒和春睡。四肢無力雲鬢墜。斜臥臉波

春玉郎休惱人。日高猶未起。爲戀鴛鴦被。鸚鵡語金籠。道兒還是慵。

和

月中歡飲人忘睡。曉來行履身將墜。無限好芳春。鳥啼醒醉人。象牀眠懶起。且伴鮫綃被。朱戶碧烟籠。逸情方已慵。

贈酒妓

應天長

孫光憲

翠凝仙豔非凡有。窈窕年華方十九。髮如雲。腰似柳。妙對綺筵歌綠酒。醉瑤臺。攜玉手。共燕此宵相偶。竟斷晚窓分首。淚沾金縷袖。

和

興高鯨飲吾還有。十日之中酣八九。對山花。臨岸柳。賴有蛾眉堪侑酒。步雲臺。攀桂手。大分此生難偶。歡飲欲期交首。慢相携舞袖。

春宴

生查子

孫光憲

春病與春愁。何事年年有。半爲枕前人。半爲花



唐詩卷一  
三十一  
間酒。醉金尊。攜玉手。共作鴛央偶。倒載臥雲  
屏。雪面腰如柳。

春和

無慮亦無愁。清醞牀頭有。醉後哂醒人。醉後頻  
呼酒。欲開尊。揮素手。此樂應難偶。半倚翠雲  
屏。咲折風中柳。

扁舟泛湖

定風波

李珣

志在烟霞慕隱淪。功成歸看五湖春。一葉舟中  
吟復醉。雲水此時方認自由身。花鳥爲隣鷗  
作侶。深處經年不見市朝人。已得希夷微妙旨。  
潛喜荷衣蕙帶絕纖塵。

和

不慕功名跡且淪。扁舟時泛曲江春。興至開尊  
成一醉。烟水謾隨鷗鳥樂閒身。萍藻相親漁  
似侶。潛處緣鈎靜釣遠時人。自悟鴟夷玄奧旨。  
心喜青箬綠笠却風塵。

夜宴

生查子

歐陽彬

竟日畫堂懽。入夜重開宴。剪燭螭烟香。促席花  
光顫。待得月華來。滿院如鋪練。門外簇驂驪。  
直待更深散。

和

俠客此宵歡。玳味開華宴。蓋內鬱金香。未醉身  
先顫。月上桂稍來。畫棟渾如練。浮白共歡。  
還至參橫散。

幽居

定風波

李珣

十載逍遙物外居。白雲流水似相於。乘興有時  
携短棹。江島誰知求識。不求魚。到處等閒邀。  
鶴伴。春岸。野花香氣撲。琴書更飲一杯紅霞酒。  
回首。半鈎新月貼清虛。

和

草開幽然溪上居。白蘋紅蓼日相於。明月吐山  
移桂棹。依島間拋香餌釣江魚。日逐閒鷗為  
侶伴。桃岸。捲綸歸去枕殘書。老妻慢開宜城酒。

唐元之可謂言一  
卷一  
可考不

聚首滿斟低唱樂空虛。

春宴

生查子

孫光憲

爲惜美人嬌。長有如花笑。半醉倚紅妝。語傳  
青鳥。春方深。恰恰好。唯恐相逢少。似這一般  
情。肯信春光老。

和

喜柳綠花嬌。如共人嬉笑。愛殺海棠粧。忽聽啼

山鳥。酒杯深。懷更好。毋慮尊中少。且樂此高

情。莫待人生老。

蘭舟載酒

南鄉子

李珣

山果熟。水花香。家家風景有池塘。木蘭舟上珠  
簾捲。歌聲遠。柳子酒傾鸚鵡杯。

和

新酒熟。芰荷香。扁舟移過碧方塘。野風吹面浮  
雲捲。漁歌遠。醺醺醪湯斟犀角盞。

涼月其二

唐元之可謂言一  
卷一  
可考不

唐夕之同詩  
四卷  
新月上遠烟開。慣隨潮水採珠來。棹穿花過歸溪口。沽春酒。小艇纜牽垂岸柳。

和艾荷香  
芳沼上綠荷開。漫攜嘉客若耶來。繫蘭舟在清江口。罄村酒。漢外月輪懸綠柳。

### 勸酒

菩薩蠻

韋莊

勸君今夜須沉醉。尊前莫話明朝事。珍重主人心。酒深情亦深。須愁春漏短。莫訴金杯滿。遇

酒且呵呵。人生能幾何。

### 和

且傾清醞圖一醉。無求世上榮華事。焦却利名心。不如杯酒深。應知來日短。飲醉須斟滿。醉去不須呵。問君情若何。

### 醉歸

醉歸却賦  
知天天仙子。覺不飲。四春期。說大志。韋莊  
深夜歸來長酩酊。扶入流蘇猶未醒。醺醺酒氣與蘭和。驚睡覺。唉呵呵。長道人生能幾何。

與蘭和。驚飄覺。知何何。身處人。坐銷幾。何通歸。  
休矣吾儕時。酪酏三日之中。難一醒。陶然歲月。  
保天和。心更覺。不須呵。有限年光。怎奈何。

春日睡起

去不酒泉子。張泌

張泌

春雨打窓。驚夢覺來。天氣曉。畫堂深。紅焰小。背  
蘭缸。酒香噴鼻。懶開缸。惆悵更無人共醉。舊  
巢中新燕子。語雙雙。

西且和。入主銷幾何。

明月照窓。雞唱一聲。天未曉。露華深。星漸小。剔  
銀缸。起來倒却。綠醅缸。幽興且求成大醉。掃  
心中無些子。世無雙。

荷亭漫酌。蘇軾

漁歌子

顧瓊

曉風清。幽沼綠。倚欄凝望。珍禽浴。畫簾垂。翠屏  
曲。滿袖荷香。馥郁。好攄懷。堪寓目。身閑心靜  
平生足。酒杯深。光影促。名利無心較逐。尊陶令

和。水鏡。吳興。賀正。山。谷。林。垂。絲。鳥。鳴。

碧荷擎池水綠。幾雙鷗鷺波心浴。柳垂絲。鳥歌  
曲。幾樹奇葩郁郁。暢幽情。舒兩目。傾尊倒罇  
心方足。俗塵多年命促。堪笑時人急逐。開以精  
朝漁家樂四闋

漁歌子

李珣

楚山青。湘水綠。春風澹蕩看不足。草芊芊。花簇  
簇。漁艇棹歌相續。信浮沉。無管束。釣廻乘月  
歸灣曲。酒盈尊。雲滿屋。不見人間榮辱。大船

明月和

柳條青。溪藻綠。扁舟一葉生涯足。水悠悠。波浪  
簇。欵乃歌聲斷續。身無拘心不束。興將羌笛  
調新曲。不須田。何用屋。醉舞風前忘辱。

其二

荻花秋。瀟湘夜。橘州佳景如屏畫。碧烟中。明月  
下。小艇垂綸初罷。水為鄉。蓬作舍。魚羹稻飯  
常食也。酒盈杯。書滿架。名利不將心挂。

和

有春秋。無朝夜。碧山流水堪圖畫。古磯邊。垂柳

下釣滿船頭方罷。鷺爲朋。舟是舍。蓴絲鯉膾  
時烹也。醞傾瓢。竿且架。酣後俗情難挂。

其三

柳垂絲。花滿樹。鶯啼楚岬。春天暮。棹輕舟。出深  
浦。緩唱漁歌歸去。罷垂綸。還酌醕。孤村遙指  
雲遮處。下長汀。臨淺渡。驚起一行沙鷺。

和

捲輕絲。維古樹。歸鴉幾陣。天將暮。月昇山。自沉  
浦。水鳥沙鷗來去。煮紅蝦。斟綠醕。誰知漁父

情高處。任飄蓬。流遠渡。醉眼漫看飛鷺。小窗山

其四

九嶷山。三湘水。蘆花時節。秋風起。水雲間。山月  
裏。棹月穿雲遊戲。鼓清琴。傾綠蟻。扁舟自得  
逍搖志。任東西。無定止。不議人間醒醉。

和

駕孤舟。浮鴛水。悠悠漁笛。蓬窓起。月光中。波心  
裏。觸藻驚鷗嬉戲。釜烹魚。杯泛蟻。瀟然且樂  
漁家志。興無涯。歌不止。且博生平幾醉。

詠漁四闋

南鄉子

蘭棹舉。水紋開。競攜藤籠採蓮來。迴塘深處遙相見。邀同宴。綠酒一卮紅上面。

和

孤艇放。苕萍開。數聲欸乃出溪來。蘆風水月時相見。堪開宴。且縱酒杯酡我面。

其二

歸路近。扣舷歌。採真珠處水風多。曲岸小橋山

月過。烟深鎖。荳蔻花垂千金朶。

和

慢飲酒。且高歌。古來風月讓漁多。綠笠碧簑隨分過。名難鎖。笑看荷花開數朶。

其三

傾綠蟻。泛紅螺。閒邀女伴簇笙歌。避暑畫船輕浪裏。閒遊戲。夾岸荔枝紅蘸水。

和四

沽白酒。煮黃螺。維舟把盞恣狂歌。綠柳岸邊清



陰裏看魚戲。醉把釣竿投碧水。

其四

雲帶雨。浪迎風。釣翁迴棹碧灣中。春酒香熟鱸魚美。誰同醉。纜却扁舟蓬底睡。

和

楊柳月。芰荷風。漁人收釣坐舟中。村醞沽取香且美。拚沉醉。和衣就寢鼾鼾睡。

詠醉

醉落魄

蘇軾

醉醒醒醉。憑君會滋味。濃斟琥珀香浮蟻。一到愁腸。別有陽春意。須將幕席為天地。歌前起舞花前睡。從他落魄陶陶裏。猶勝醒醒。惹得閒憔悴。

和

日日一醉。何人曉真味。新笏滿泛杯生蟻。一壺三杯。頓覺寬愁意。渾忘來去眠花地。鼾鼾一枕風中睡。夢回渾似高陽裏。終日陶陶。免却身成悴。

元夕夜宴

林風一剪梅。回戰以高。則東。然日。則程。篁墩良。

傳柑節候雨初晴。燈滿山城。月滿山城。畫堂圍坐夜三更。牆外歌聲。席上歌聲。可人添送紫金盃。未解春醒。又犯春醒。不辭扶醉臥前楹。客也多情。主也多情。

和

雪消郊甸四山晴。樓迥江城。絲結江城。笙歌簇擁。開深更。市上人聲。笛裏新聲。小童時進白

磁罌。病昨身醒。復助身醒。玉山頽倚在西楹。對景忘情。踈散忘情。

舞酒妓

鳳棲梧

劉雲間

一剪情波嬌欲滴。綠怨紅愁。長為春風瘦。舞罷金杯眉黛皺。背人倦倚晴窓繡。臉暈朝生微帶酒。催唱新詞。不應頻搔手。閒把琵琶調未就。羞郎還又垂紅袖。

和

雨過林花嬌。滴滴惹起新愁。思憶令人瘦。不覺蛾眉愁鎖皺。慵將錦字房櫳繡。且把金尊傾綠酒。絃撥相思。往來不停手。幽韻宮商曲始就。更闌人散分羅袖。

金焦葉

柳耆卿

厭厭夜飲平陽第。添銀燭。旋呼佳麗。巧笑難禁。艷歌無間聲相繼。准擬幕天席地。金蕉葉泛金波。霧未更闌。已盡狂醉。就中有個風流暗向燈光底。惱徧兩行珠翠。

和

今宵宴設華堂第。喜才子佳人風麗。四美鋪陳。狂歌暢飲。應難繼。酩酊和衣倒地。空庭內。皓月光霽。鼓樓中。漏促人醉。座間可意人兒。慢道衷腸語。不覺黛眉鎖翠。

飲興

青杏兒

趙閒閒

風雨替花愁。風雨罷。花也應休。勸君莫惜花前

醉今年花謝。明年花謝。白了入頭。乘興兩三  
甌。揀溪山好處追遊。但教有酒身無事。有花也  
好。無花也好。選甚春秋。

和

何用把心愁。塵世事。縈擾無休。見機莫把時光  
負。呼朋邀友。偷閒尋友。及蚤回頭。浮白罄金  
甌。不須春日曲江遊。若令此日無些事。滿斟亦  
可。淺斟亦可。何必傷秋。

春飲

漁家傲

周美成

幾日輕陰寒惻惻。東風急處花成積。醉踏陽春  
懷故國。歸未得。黃鸝久住如相識。賴有蛾眉  
能暖客。長歌屢勸金杯側。歌罷月痕來照席。貧  
閒適。簾前重露成涓滴。

和

雨過芳園花落側。紛紜滿地殘紅積。座上吳姬  
色。傾國佳興得。清歌一曲無人識。慢把金樽  
斟。俠客情濃潦倒行歌側。山月流光滿綺席。高

唐宋元明清詩 卷一  
四卷五  
懷適樓頭玉漏頻頻滴。

飲興

感皇恩

毛澤民

多病酒樽踈。飲少輒醉。年少啣杯可追記。無多酌我。醉倒呵誰扶起。滿懷明月冷爐烟細。雲漢雖高。風波無際。何似歸來醉鄉裏。玻璃江山。滿載春光花氣。蒲萄仙浪。軟迷紅翠。

和二闕

追興俗情踈。且尋一醉。心上閑愁不須記。高歌

痛飲任醅醕。扶不起。一腔春思。柳枝腰細。黃鳥綿蠻。春光相際。芳草如茵臥花裏。羅襪輕盈。惹却羣芬香氣。秦娥歌出。曲中嬌翠。

其二

年邁與時踈。終朝博醉。昔年勝事俱忘記。人母咲我醉花前。呼不起。滿懷幽思。涼颼細細。塵事紛紜。悠悠無際。休把閒身混忙裏。徐步東郊。翫賞晴和天氣。徜徉林藪。尋芳拾翠。

飲興

一年春

光世傑

紅紗翠翳春風餅。趁梅驛。來雲嶺。紫桂巖空瓊  
竇冷。佳人却恨等閑分破。縹緲雙鸞影。一甌  
月露心魂醒。更送清歌助清興。痛飲休辭今夕  
永。與君洗盡滿襟煩暑。別作高陽境。

和

今宵共客嘗奇餅。看冰鑑。生東嶺。陣陣涼颼侵  
袂冷。消愁排恨。溶溶清徹。射却花枝影。客歡  
主樂酣難醒。一曲陽春狂興。更愛歡娛蓮漏永。  
雅懷未罄。再期來日。挈榼尋佳境。

將進酒

小梅花

高僧常

城下路。淒風露。今人犁田昔人墓。岸頭沙帶蘂  
葭。漫漫昔時流水。今人家。黃埃赤日長安道。倦  
客無漿馬無草。開函閤。閉函閤。千古如今不見  
一人閑。六國擾。三秦掃。初謂商山遺四老。馳  
單車。致緘書。裂荷焚芟接武曳長裾。高陽真得  
杯中趣。身外醉鄉安穩處。生忘死。形忘名。二豪

侍側劉伶初未醒。安蘇爽主欲取。似欲飲。三豪

和

郊外路。飄玉露。高低壘壘幾墳墓。遍黃沙。滿葉  
葭。觀之未知何代王侯家。紛紛碌碌奔岐道。涉  
遍崎嶇輦芳草。朝秦閔。暮燕閔。來往驅馳怎得  
此身閒。俗事擾。何能掃。堪嘆人生容易老。驅  
輕車。敕詔書。貴榮門第冠蓋衣羅裾。何如杯酒  
花間趣。人世利名天定處。生勞形。博虛名。且將  
濁酒酣醉還能醒。

飲興

拂霓裳

晏同叔

樂秋天。晚荷花上露珠圓。風日好。數行新鴈貼  
寒烟。銀簧調翠筦。瓊柱撥清絃。捧觥船。一聲聲  
齊唱太平年。人生百歲離別易。會逢難無事  
日賸呼賓友。啓芳筵。星霜催綠鬢。風露損朱顏。  
惜清歡。又何妨。沉醉玉尊前。

和

靚遙天。一輪明月皎團圓。蟬韻促。草間螢燄破

唐詩卷一  
四卷十三  
蒼烟山童歌白苧。猶勝撫冰絃。舉銀船。與悠悠。  
同賞樂堯年。良朋讌集。拚沉醉。又何難。燒銀  
燭。滿堂燦爛。映華筵。金尊頻勸飲。俄頃已酡顏。  
此宵歡。忽瞻星斗。朗照窓前。

歌妓

意難忘

周美成

衣染鶯黃。愛停歌駐拍。勸酒持觴。低鬟蟾影動。  
私語口脂香。簷露滴。竹風涼。拚劇飲淋浪。夜漸  
深。籠燈就月。子細端相。知音見說無雙。解移

宮換羽。未怕周郎。長顰知有恨。貪耍不成妝。此  
箇事。惱人腸。試說與何妨。又恐伊尋消問息。瘦  
減容光。

和

簪翠衣黃。謾將秦瑟鼓。敬客擎觴。花鈿堆綠鬢。  
舞袖散奇香。陳綺席。納新涼。杯酒泛滄浪。意甚  
勤。低低細語。浹洽同相。嬌容世上無雙。臉紅  
雲髻黑。引動才郎。嬌聲歌白雪。淡掃過梅妝。恩  
愛繫。幾迴腸。明日會無妨。莫把良辰耽悞。辜負



時光。美。國。期。日。會。身。其。味。身。其。味。身。其。味。

雲。響。黑。日。煙。木。夜。點。點。白。日。點。點。白。日。點。點。

山。對。山。山。對。山。山。對。山。山。對。山。山。對。山。

官。外。外。未。外。外。未。外。外。未。外。外。未。外。外。未。

嘉。禾。周。履。靖。逸。之。甫。和。韻。

雲。間。陳。繼。儒。仲。醇。甫。校。正。

金。陵。荆。山。書。堂。梓。行。

初。夏。飲。興。賦。數。萬。中。荷。葉。兩。圓。書。其。其。其。

滿。庭。芳。

周。美。成。

唐。宋。元。明。酒。詞。卷。之。下。

風。老。鶯。皺。雨。肥。梅。子。午。陰。嘉。樹。清。圓。地。卑。山。近。

衣。潤。費。爐。烟。人。靜。鳥。鴛。自。樂。小。橋。外。新。綠。濺。濺。

凭。闌。久。黃。蘆。苦。竹。擬。泛。九。江。船。年。年。如。社。燕。

唐。宋。元。明。酒。詞。卷。下。

唐。宋。元。明。酒。詞。卷。下。

唐。宋。元。明。酒。詞。卷。下。

唐。宋。元。明。酒。詞。卷。下。

唐詩元日詩言  
卷一  
五言古  
飄流瀚海。來寄修緣。且莫思身外。長近樽前。憔悴江南倦客。不堪聽急管繁絃。歌筵畔。先安枕簟。容我醉時眠。

和

周履靖

楊柳垂陰。古槐濃蔭。沼中荷葉初圓。晝長庭靜。窗外裊茶烟。開宴湯成一樂。碧波清。色徹濺濺。凝眸處。悠悠野調。欸乃起漁船。蕭蕭新翠竹。芭蕉展綠。深契良緣。湯把金尊倒。拚醉花前。沉酒風流俠客。醉來時。懶聽鳴絃。花屏畔。神勞思倦。潦倒且安眠。

禁釀

木蘭花慢

羅壺秋

漢家糜粟詔。將不醉飽。生靈便收拾。銀瓶當壚人去。春歇旗亭。淵明戒酒東林。遍人間。暫學屈原醒。天子宜呼李白。婦人却笑劉伶。提葫蘆。更有誰聽。愛酒已無星。想變春江。蒲萄釀綠。空想芳馨。溫存鷓鴣鸚鵡。把茶甌。談對晚山青。但結秋風魚夢。賜酺依舊沉冥。

觀周成酒誥。規戒但保心靈。擊將破金瓶。毋容  
人醉。收拾花亭。嵇康停杯罷飲。靜中觀。彼醉我  
偏醒。鴻漸堪為益友。此身不近劉伶。提壺鳥。  
結舌難聽。飲興沒些星。甕內蛆生。杯盤蛀積。無  
恁香馨。停畱壺觴尊筍。且汲泉淪茗對山青。屈  
子醒醒孤潔。一身空汨江冥。

詠酒

浣沙溪

歐陽永叔

隄上遊人逐畫船。拍隄春水四垂天。綠楊樓外  
出鞦韆。白髮戴花君莫笑。六么催拍盞頻傳。  
人生何處似樽前。

和

對對鴛鴦近酒船。飛飛柳絮颺晴天。遙看墻內  
戲鞦韆。呼盧撫掌風前笑。殷勤對客玉杯傳。  
問誰何勝醉花前。畱茲不數日餘人。

勸酒對人笑。蘇詩善問野。蘇詩善問野。蘇詩善問野。

西江月。蘇詩善問野。蘇詩善問野。蘇詩善問野。

蘇詩善問野。蘇詩善問野。蘇詩善問野。蘇詩善問野。

斷送一生惟有。破除萬事無過。遠山橫黛蘸秋  
波。不飲傍人笑我。花病等閑瘦弱。春愁沒處  
遮。欄杯行到手。莫畱殘。不道月斜人散。

趙鼎和

醉倒花前誰有。須知春事易過。人情片紙世漚  
波。何似酒杯樂我。花貌妖嬈怯弱。騷人把盞  
凭欄。不辭五斗到更殘。月落粉墻方散。

出感悟

西江月  
朱希真

世事短如春夢。人情薄似秋雲。不須計較苦勞  
心。萬事元來有命。幸遇三杯酒美。况逢一朵  
花新。片時歡笑且相親。明日陰晴未定。

和

塵世幻然一夢。功名富貴浮雲。堪嗟癡昧枉勞  
心。靜裏三思皆命。花下擎杯興美。半輪山月  
方新。高情日與酒相親。大數乘除已定。

警世無味無歸  
青史幾番春夢  
五更夢覺

日日西江月  
朱希真

日日深杯酒滿。朝朝小圃花開。自歌自舞自開懷。且喜無拘無礙。青史幾番春夢。紅塵多少奇才。不須計較與安排。領取而今見在。

和

百歲光陰誰滿。名花幾落幾開。乘時覓興遣高懷。世路多乖多礙。試閱莊生蝶夢。休誇倚馬高才。機關何用巧鋪排。疇昔英雄誰在。

詠酒

鷓鴣天

晏叔原

綵袖殷勤捧玉鍾。當年拚却醉顏紅。舞低楊柳樓心月。歌罷桃花扇底風。從別後。憶相逢。幾回魂夢與君同。今宵剩把銀缸照。猶恐相逢是夢中。

和

吳姬嫋娜把金鍾。醺醖光浮琥珀紅。玉貌清輝如寶月。石榴裙底動輕風。春歸後。恨難逢。相思應許爾相同。朝來試拂菱花照。不比當年花柳中。

冬飲

桃源憶故人。來信林花。不張于湖。朔風弄月吹銀霰。簾幙依垂。三匝酒入玉肌香。軟壓得寒威。斂檀槽乍燃。么絲慢。彈得相思一半。不道有人腸斷。猶作聲聲顫。

和

半空凜凜飄冰霰。窗外寒風侵面。美醞冽清柔。軟滿眼寒光斂。金尊倒盡清歌慢。直待更闌夜半。興至好懷不斷。情暖身無顫。

歡飲

浪淘沙

歐陽永叔

今日北池遊。漾漾輕舟。波光斂灩柳條柔。如此春來春又去。白了人頭。好妓好歌喉。不醉難休。勸君滿酌金甌。縱無花前常病酒。也是風流。

和

春興漫遨遊。泛個扁舟。花枝冉冉鳥聲柔。波上鷗鳧來復去。聚散磯頭。美酒滌清喉。曲妙無休。此宵定擬罄銀甌。歎徹人生能有幾。水向東

流。此宵安寐。瑩嬾。燭燭嬾人。主滄首。笑水向東。

歌妓。去翠。媚。美。醜。新。青。翠。曲。似。無。

南鄉子。趙孟頫。春。南。鄉。子。文。國。風。并。芬。并。并。鳥。趙。孟。頫。

雲擁髻。髮愁。好在張家燕子樓。稀翠踈紅春欲

透。溫柔。多少閑情不自由。前。歌。罷。錦。纏。頭。山下

晴波左右流。曲裏吳音嬌未收。障羞。一朵芙蓉

兩扇秋。

和

檀板却人愁。此日攜尊宴小樓。風引花香羅袂

透。輕柔。斟酒清歌興有由。新月上樓頭。音調

悠揚碧水流。一曲衷腸開咲口。害羞客散更闌

隔九秋。

歌飲

法駕道引二首

韓夫人

東風起。東風起。海上百花搖。十八風鬟雲半動。

飛花和雨着輕綃。歸路碧迢迢。水。江。河。博。白。面。

和

韶華起。韶華起。岸畔柳條搖。白李紅桃枝上動。

風吹花氣襲絞綃。酣酒興迢迢。

其二

簾漠漠。簾漠漠。天淡一簾秋。自洗玉甌斟白酒。月華微暎。是空舟。歌罷海西流。

和

雲漠漠。雲漠漠。遙望白雲秋。漫把金尊傾綠酒。醉看人世等虛舟。如水向東流。

席中贈妓

沁園春

瞿士衡

一掬嬌春。弓樣新裁。蓮步未移。笑書生量窄。渠儘小。主人情重。酌我休遲。醞釀朝雲。斟量暮雨。能使麴生風味奇。何須去。向花塵畱蹟。月地偷期。風流到處偏宜。便豪吸雄吞不用辭。任凌波南浦。惟誇羅襪。賞花上苑。祇勸金卮。羅帕高擎。銀瓶低注。絕勝翠裙深掩時。華筵散。奈此心先醉。此恨誰知。

和

一片芳春。羅袖雲鬟。輕把步移。出東郊翫賞。莫



教興少。筵前鳥語。白晝遲遲。謾捧金尊。溫存細語。最羨幽情分外奇。真難遇。約來宵歡樂。會合佳期。嫦娥桂客堪宜。擬浮白高歌。豈肯辭。似宓妃臨浦。誰如嬌媚。合歡綺席。共倒清卮。檀板輕敲。新聲低唱。却是洞房恩愛時。情難散。繾綣醒還醉。莫與人知。

遊西湖

醉江月

辛棄疾

西風吹雨。戰新荷。聲亂明珠蒼璧。誰把香奩收。寶鏡雲錦。周遭紅碧。飛鳥翻空。遊魚吹浪。慣聽笙歌席。座中豪氣。看君一飲千石。遙想處士風流。鶴隨人去。已作飛僊客。茅舍竹籬。今在否。松竹已非疇昔。欲看當年望湖樓下。水與雲寬窄。醉中休問斷腸。槎葉消息。

和

湖波搖漾動新荷。清影如珪如璧。凝望遙天開。玉鏡。鷗鳥閒眠。沙碧綠葉擎空。紅葩明浪。異馥飄瑤席。叙延嘉友。必須罄盡三石。深企往昔。

唐宋元明詩話 卷一 四卷  
名流。但存遺趾。想逐蓬萊客。玄鶴白梅畱下否。  
亭榭恨難同昔。覩孤山梅樹叢中徑。到而今皆  
窄。請君休論往年今日消息。

遊西湖

賀新郎

辛棄疾

睡覺啼鶯曉。醉西湖。兩峯日日。買花簪帽。去盡  
酒徒無人問。惟有玉山自倒。任拍手兒童爭咲。  
一騎乘風。翩然歸去。避魚龍。不見波聲悄。歌  
韻遠。喚蘇小。神仙路近蓬萊島。紫雲深處參差。  
禁樹烟花遶。人世紅塵西障日。百計不如歸好。  
付樂事與他年少。費盡柳金梨雪句。問沉香亭  
北。何時召。心未愜。鬢先老。

和

一望湖光曉。覩春山。絳桃綠柳。岸邊齊帽。問酒  
肆開懷斟斝。歡飲左傾右倒。惹得那時人嘲咲。  
酪酊糊模歸去好。慢歌新調。角商清悄。凝望  
處。遠山小。依稀海上仙人島。六橋亭榭垂楊樹。  
樹蒼烟遶。汀鷺沙鷗浮綠水。小艇採蓮真好。看

唐詩卷下  
五卷下  
玉手鼓楫應少。我輩興歌遊賞句。詢蘇公秋夜  
何年召情更愜。應難老。

戒酒辭杯

沁園好

辛棄疾

杯。汝來前。老子今朝。點檢形骸。甚長年抱渴。咽  
如焦釜。於今苦眩氣似奔雷。汝說劉伶。古今達  
者。醉後何妨死便埋。渾如此。嘆汝於知己。真少  
思哉。更憑歌舞爲媒。算合作平居鴆毒猜。况  
怨無小大。生於所愛。物無美惡。過則爲菑。與汝  
成言。勿畱亟退。吾力猶能肆汝杯。杯。再拜道麾  
之。卽去。招則須來。

和

杯。至吾前。野叟朝來。委頓詩骸。爲宵歡興劇。香  
醪頻吸。糝糊淹倒耳。不聞雷。總謂山濤阮咸智  
慧。不肯將懷抱暗埋。深知感負。却尊壘。誠恁雅  
情哉。汲泉烹茗爲媒。謝醺醪。何須別意猜。偶  
爾成此害。心中不愛。患無大小。慮恐生菑。感爾  
休言。請收拾了。情怯何當舉爾杯。杯。頓首苦推

唐李元明酒譜 卷下 辛棄疾  
辭領命。倘呼還來。

勸飲

沁園春

辛棄疾

杯汝知乎。酒泉罷侯。鴟夷乞骸。更高陽入謁。都稱壘白。杜康初筮。正得雲雷。細數從前。不堪餘恨。歲月都將趨葉埋。君詩好似提壺。却勸沽酒何哉。君言病豈無媒。似壁上雕弓。蛇暗猜。記醉眠陶令。終全至樂。獨醒屈子。未免沉菑。欲聽公言。慙非勇者。司馬家兒。解覆杯。還堪笑。借今宵二醉。爲故人來。

宵二醉爲故人來。

和

杯勸梅顛。古來酒仙。忘情散骸。那嵇康阮籍。朝昏沉湎。日醅醕。得避却風雷。達者還當。做前歡賞。不必將名利苦埋。須行樂。趁良辰及時傾倒。高哉。倩花柳解爲媒。野鳥去來。休教浪猜想。霸王功業。英雄蓋世。運乖數盡。自刎罹菑。聽勸良言。俗情暫屏。寬着塵懷。進幾杯。休辭醉。必須成醕酌。老去將來。

夜酌荷亭

蝶戀花

周權

數畝寬閒吾老圃。著箇茅亭斗大無多子。水檻  
水花明楚楚。灑然不受人間暑。夜悄虛階初  
過雨。酒淺香深風露清如許。沁薄吟襟時挹趾。  
多情涼月還窺戶。

和

萬個篔簹圍梅圃。築就清虛一座幽亭子。透水  
綠荷花楚楚。繩低度無些暑。倏忽遙天飄

細雨。碧玉盤盛珠露圓如許。纖手擎杯幽然貯  
銀蟾皎潔來朱戶。

百字謠

周權

東坡昔守彭城既治決河乃修築其城作  
黃樓城上以臨河以土實制水因以黃  
名樓樓成子由作賦坡翁為書之刻於  
石余回自京師登樓懷古并感項藉遺  
事末章之及  
登臨把酒問黃樓人去幾番風雨妙絕頰濱樓

唐詩元明清詩 四卷其  
上賦坡老龍蛇飛舞。千載風流。兩翁咲傲。淮泗  
歸譚塵。衣冠如在。我來空自延佇。下視闌闌  
喧塵。慘眠烟落日。西風鞞鼓。昔日爭雄懷楚。百  
萬屯雲。貔虎。世事茫茫。山川歷歷。不盡憑闌思。  
城頭今古。黃河日夜東去。

和

當年浮白最高樓。追想却如驟雨。更咲那英豪  
作賦。飛絮空中飄舞。畱取芳名。二君以作。陳跡  
談揮塵。觀今誰在。靜思令我閑佇。厭覩紛擾

風塵甚。凄其慘感。軍中鞞鼓。却笑當年秦與楚。  
枉鬪蒼龍猛虎。俗慮茫茫。人情幾歷。却恨增愁  
思。傾杯時飲。靜觀日月來去。

九日舉觴

沁園春

周權

說與黃花九日。今朝同誰舉觴。咲指點行囊。雖  
然羞澁。謁來開市。怎忍荒涼。螯壓橙香。酒浮萸  
紫。醉脫烏紗。鬢欲霜。孤雲外。是吾廬三逕。歸興  
偏長。催人苒苒年光。問役役浮生。着甚忙。自

東籬人去。總成陳迹。龍山飲散。幾度斜陽。人物  
彫零。乾坤空闊。世事浮沉。醉夢場。登高處。倚西  
風長嘯。任我踈狂。

和

不待重陽節日。隨時皆當倒觴。莫惜鈔空囊。高

懷休澁。博歡劇飲。趁此餘涼。傾鬱金香。且吞幾

盞。莫待青絲變雪霜。蒼筠裡。結一箇茅廬。村靜

溪長。休教錯過韶光。咲擾擾浮塵為甚忙。想

淵明幽致。令吾空憶。無人落帽。虛度重陽。浮世

如雲。人生過隙。傀儡紛紜。做一場。堪嗟嘆。謾登

高舒嘯。興飲清狂。

飲酒

春雲愁

王世貞

王世貞

風偏雨慙。漸柳眠無力。花如中酒。睡怯象牙寒

悄。幽夢幾回。渾不就。燕撈華絃。鶯調清管。細譜

新詞。杜鵑噉。行路方難。歸期無據。愁與悶相守。

芳醪點出天公手。解翻寒作煖。攏辰戌酉。枕

畔華胥暫拖逗。青眼朦朧。一任長門。送來銀漏。

未舉前乍停杯後半刻也堪白首。門前

和 出天公手無端與外對

無儻不憊。日日尋芳。去看花醉酒。遇那美人兒  
悄。心想着姻緣未就。綠柳含烟。鶯聲如管。漫賦  
芳詞可傾酒。行樂良辰。休教錯過富貴無長守。  
樽傾綠醕時擎手。不知天與地。那分卯酉。日  
向芳林中迤逗。追賞清宵。不管樵樓。急催更漏。  
且樂生前。莫思身後。頃刻雪霜滿首。

題美人捧觴

解語花

王世貞

檀槽細壓。紫溜泠泠。滴碎珠千斛。鷓鴣初贖。誰  
偕醒。卓女遠山黛綠。朱櫻小蹙。風裊處。山香幾  
曲。捧屈卮。徐露春芽。一樣纖纖玉。何事錦圍  
翠簇。只枝頭一點。買斷金谷。靈犀輕嚼。微酣後。  
記取夜來題目。雙鬟趁逐。扶掩向碧紗厨宿。誇  
醉鄉。還傍溫柔。此際平生足。

和

新篘滿甕。琥珀光浮。激灩盈三斛。金龜不贖。樂



陶陶時泛着杯中綠。丹唇半蹙。興劇處。清歌一曲。兩手尖尖似筍芽。湯露琅琅玉。池畔柳垂杏簇。聽花間野鳥。巧語幽谷。殷勤低囑。花屏後。不覺醺迷雙目。睡魔馳逐。携手上象牙牀宿。語甚溫存。更和諧。此夜心兒足。

謝袁履善惠酒

賀新郎

王世貞

春意歸風雨。到如今。緩紅舒翠。一番重起。况更索居無一事。鎮日琴書而已。待醉也。如何得醉。

多謝白衣能遠致。把葛巾忙却科頭倚。胸磊塊。故應洗。瓊膏慢入清尊細。似當年掌分莖露。雪消春水。欲拆箇荷充泛駕。憑借麴生爲馭。直引到華胥路裏。遮莫歸來。問名姓。道清真袁粲。頻爲主。天下事。任公耳。

和

猶喜殘更雨。曉來時。浥芳潤翠。對花情起。獨坐山齋欣寡事。遣興哦詩而已。斷酒也。焉能取醉。心感故人貽雅致。步入空庭。開襟斜倚。愁滿臆。

唐外元明詩  
四卷四  
頃間洗。入芳樽。瀉出金光細。若遙天夜垂清露。  
惠山泉水。興吸三杯情更暢。欲把海鯨來駕不  
肯赴。風塵堆裏。休問狂夫諱和姓。是青山深處  
林泉主。名與利。不須耳。

謝汝欽姪惠酒公

賀新郎

王世貞

酒債尋常有。閉閒門。落花長晝。獨吟搔首。可怪  
袁君相贈後。鎮日惟尋綠友。到驕惹傳杯之手。  
從事督郵何足較。但醉鄉別業吾能受。君不見。

掃愁帚。清狂阮籍天應厚。醉醒時。漫開青眼。  
阮咸爲壽。猶可焦生風格舊。試問無功知否。待  
徙倚臨風頻嗅。曲沼游魚堪投饌。况隔簾歌鳥  
來行酒。洗盞罷。酌楊柳。

和中

雅興吾能有。把芳尊。蒲斟清晝。曲歌一首。莫是  
劉伶化身後。野鳥山花作友。喜杯尊。何曾停手。  
塵世事。心無計較。羨北海傾樽誰消受。追勝賞。  
逐塵帚。嵇康與酒情甚厚。鎮日間倒壺傾尊。

唐朱元明酒譜 卷下 四卷三  
介此眉壽。時與黃鶯爲故舊。巧語綿蠻佳否。幾  
樹老梅吾當嗅。紫藿青葵烹成饌。擺列風前慢  
斟清酒。酪酏後。月上柳。

病起飲酒

朝中措

王世貞

是誰嫌我酒間過。唆得病來磨。無耐業緣尚在。  
清尊又倚清歌。高陽舊侶。頻頻相勸。不飲如  
何。屈指乾坤佳事。壚頭領取偏多。

和

漫扶藤杖友家過。尊酒病消磨。傾倒此壺興至。  
且調一曲高歌。東君雅意。殷勤而勸。醉了如  
何。共對名花追賞。人生快活應多。

元旦醉題

臨江仙

王世貞

撥乳醪酥新綠泛。金花巧勝初裁。東風殢雨印  
泥苔。臘隨殘漏盡。春逐燒痕來。 昨歲貪杯今  
歲病。病時依舊貪杯。欲填新令雪兒排。小園梅  
未吐。先報一枝開。

和薛一林開

桂醕盈杯欣蟻泛。詩題令節應裁。梅花幾幹映  
蒼苔。屠蘇纔掬處。春色入門來。樹上黃鶯聲  
已滑。對花堪飲千杯。漫追佳節漫安排。與高杯  
不歇。尊聲又當開。

問先生酒後如何二闋

折桂令 王世貞

問先生酒後如何。潦倒模糊。偃蹇婆娑。枕底烟  
霞。杖頭日月。門外風波。儘皇都。眼睚看破。望青

天。信却胡過。好也由他。反也由他。便做公卿。當  
甚么麼。

其二

問先生不飲何如。一點篝燈。數卷殘書。冷却扁  
舟。悶他五柳。淡殺三閭。太行路。都來胸腹。帝京  
塵。滿上頭顱。睡也憂虞。醒也憂虞。不得醜醜。怎  
便糊塗。

天香和而盛譽少感新想也感新貴客王公  
問狂夫意興如何。日日模糊。醉舞婆娑。一榻涼

風半牕好月。何肯奔波。世情多。一時看破。謝蒼  
天。落魄而過。譽也。憑他。毀也。憑他。貴客王公。我  
覩么麼。

其二  
問狂夫近日何如。滿甕香醪。半榻詩書。興泛蘭  
舟。探花問柳。蕩過村間。曲塘路。幽情滿腹。樂優  
游。酒醉吾顛。醒也無虞。醉也無虞。甚我徜徉。臥  
倒當塗。

天言 江南春詞二闕和倪雲林韻 周履靖

春林夜雨朝迸筍。桃李芳菲門徑靜。主人寂寂  
對踈櫺。簾外交飛雙燕影。峭寒風雨羅衣冷。幾  
樹梨花開近井。社酒歸來倒角巾。歌斜醉步動  
輕塵。蝶飛忙。花信急。杜鵑聲裏春衫濕。韶光  
撚指嗟何及。倚樓芳草連天碧。幾處笙歌滿城  
邑。垂楊繫馬風前立。請看綠水沉青萍。堪咲隨  
波空自營。

其二  
村前萬樹桃花盛。綠柳垂絲間紅杏。呼朋拉友

翫芳春。歷遍韶華。三月景。雕鞍金勒相馳騁。青樓柳巷。追佳興。吳姬嫋娜。咲歡迎。握手殷勤話更親。日入蘭房。檀麝集。銀燈翠管。延嘉客。冰盤玉饌。陳芳席。金尊潑灩。浮琥珀。玉指纖纖。調錦瑟。牙牀繡帳。娛此夕。金雞三唱。促登程。惆悵相看。不盡情。

雨夜調臨江仙

周履靖

疎雨滴蕉聲。獨對銀燈。俗慮淒清。春愁莫遣思縱橫。尋巧句。詩成且未評。當年豪俠成春夢。

霜華上鬢心驚。琴調流水散孤情。人生渾逆旅。君醉我還醒。

壽利川曹封君六袞六闕

望仙門

周履靖

玉堂開宴祝賢臣。列奇珍。蓬萊此日聚羣真。捧金尊。漫酌松花酒。齊聲拜賀千春。鳳孫麟子。荷君恩。荷君恩。芳譽播乾坤。

千秋歲

周履靖

玉芝瑤草。桂子蘭蓀好。華屋畔。祥雲繞。筵開龍

鳳脯老子同歡笑。如海水汪洋。浩浩應難較。莫惜芳尊倒。紫誥天邊到。躋玉闕。遊蓬島。遐齡祈八百。駐世人常老。還應是善緣佳報。

全興連理枝

周履靖

八洞羣僊到來祝。曹君耄。玉盤珍饌。金杯桂醕。齊稱不老。喜今宵。歡慶壽筵前。觀童顏鶴貌。華屋竒香繞。王母同歡樂。錦瑟瑤笙。朱絃翠管。劉晨阮肇。共登仙。齊上那蓬萊。任逍遙海島。

萬年歡

周履靖

海屋添籌。祝曹侯上壽。黃鶴玄鹿。瑤草仙葩。松栢亭亭嘉木。堂下兒孫似玉。戲萊子。娛親綵服。銀盤內鳳髓龍肝。勸雙親。唱新曲。歡情得悅。慈顏漫將金尊內。頻倒醽醁。共羨君家。順子孝孫盈目。海上蟠桃已熟。願歲歲開筵相祝。應知是積德弘深。受人間的全福。

公同鼓笛慢

周履靖

昨聞四皓羣真。共持火棗交梨饈。來同國舅。期歡佳宴。麻姑頻勸。玉燭搖紅。仙童奏樂。九天音

遍看遙空好月。當窻皎皎。欣弄盞時相薦。天百  
川爲壽。羨恩波萬重齊捲。烏紗象簡。紫袍犀帶。  
公侯佳眷。萬里芳聲。愛民如子。浙西畱戀。願千  
秋百歲。金尊玉液。幾番持獻。

瀛海蟠桃。此日花開庭院。華席列排壽宴。嘉賓  
逸客。共捧金杯獻。惟願祝千萬歲。如山遠。貴  
子登朝。龍孫世鮮。虎榜上。定應高薦。仙詞一闋。  
謾鼓雲陽板。如閨苑。曹國舅。年無限。終

狂夫酒語目錄

上卷

長樂公傳

酒銘

君不見

和白居易詩酒琴人多薄命予酷好三事

勸酒四言

和張說對酒

和庾亮就蒲州使君  
和庾亮答王司馬餉酒



和庾亮奉荅賜酒 和庾亮奉荅賜鵞酒

和庾亮衛王贈桑落酒奉荅

和庾亮聘齊秋晚館中飲酒

和庾亮正旦蒙賚酒

和庾亮蒲州刺史中山公乞酒一車未送

和庾亮蒙賜酒 和陸機當置酒

和劉駕醒後 對酒四首

對酒讀五柳詩 勸酒七言古詩四首

野人醉歌

下卷

和王灣同賀監林月清酌二首

和杜甫陪王侍御宴通泉東山野亭

和杜甫崔駙馬山亭宴集

和陳叔達後渚置酒

和高正臣晦日置酒林亭

和郎士元宴張舍人宅

和包佶對酒贈故人

和駱賓王詠雲酒 和白居易對酒

醉中荅友

對酒

尊前憶友

對酒遣懷

飲後夜醒

醉後口占

歌酒

與友對酒吟詩

樂酒

勸酒

中酒

空腹蚤酌

晚醉

索酒吳伯度

和牟融秋夜醉歸有感而賦

和張說醉中作

和孟浩然醉後贈馬四

和于武陵勸酒

醉後

和李太白客中行

和岑參醉戲竇子美人

和岑參酒泉太守席上醉後作

和岑參戲問花門酒家翁

和王昌齡龍標聖宴

和王昌齡李倉曹宅夜飲

和李商隱花下醉

和唐劉商醉後口號

和白居易同李十一醉憶元九

狂夫酒語 目錄 卷之五  
和韓子蒼謝信守連鵬舉送酒

和陳無已席上勸酒

和元禎十二醉曹字和陸機飲樂

和郎士元寄李袁州桑落酒

狂夫酒語目錄終

狂夫酒語卷之上

夷門廣牘一百十四卷

嘉禾梅顛道人周履靖著

金陵荆山書林梓行

長樂公傳

先生姓甘名醴字醇甫宜城新豐人也生於上古不求人知樂與天喬者並秀於原野始見知於神農氏棄為見時即大愛幸及為農官遂薦之與叅氏梁氏並登於朝後值歲祲黎民阻飢遂逃於河濱獲遇儀狄得配麴氏然素性和柔

遇事不能自立必待人斟酌而後行嘗自道曰  
沽之哉沽之哉我待賈者也後寓杜康先生家  
得禁方去浮粕存精華數千年間長生久視與  
時浮沉名氏不可得而詳云時時藏修於葦門  
甕牖之中而歛灑之光醇濃之味聞之者慕見  
之者愛常不言而飲人以和故雖一惡於禹王  
再斥於周武而先生亦自若也韜居隱諱守口  
如瓶帝乙嫡子知之及卽位日夕與妲己以先  
生爲樂鑿池以居之作堤十里以捍之封爲麋

侯晉以公爵食祿千鍾凡大祭祀大會同皆以  
先生爲可人登之座右而好合之至於孔子之  
聖亦不見遺於鄉人之會嘗因子貢以蜡祭之  
人爲若狂而病其責人之無已此正所謂武叔  
之不知量也後值漢高帝出始藉先生之力斬  
白蛇以成帝業繼因羣臣拔劍擊柱反歸過於  
先生遂革其爵降爲青州從事漢亡魏徐邈以  
先生爲聖人終日相與陶陶不治事卒以此見  
訾讐後典午氏興先生益重於時阮步兵尤如

先生移官舍就相款啓謝安石東山之遊登高臨遠無日不先生在口也惟劉伶土木形骸素善病每訪先生於野令平頭荷鍤隨之爲生死交至於唐宗丹霄之會宋祖兵權之釋雖庖人饗人並列於前必以先生爲稱首間生女一曰麻姑歸江西建昌氏性頗嚴重人不敢干以私見之者歌曰南有喬木不可休息漢有遊女不可求思蓋貴之也男二長曰無量居士少好服食咽氣嘗隱于襄陵太原間時與高人羽客促

膝譚讌卽踞地耳熱而呼嗚嗚後益厭世謝客僑居成都多結廬深林大壑中冬月積薪自溫其出常以桑落爲候最後從呂道士于岳陽樓授神仙煉形秘術騎黃鶴衝天而去次日醴卿束髮受書多倜儻大畧始仕于開元間爲章丘令察廉遷高郵守又徙池州淮安皆有殊尤茂績所至自王公貴人下至閭巷士庶譽之不容口謂公爲政如醇醪藹然薰人而其清心凜冽如玉映冰壺久之治行益起授蘄州刺史時天子

好祥瑞公上河清頌稱旨賜金魚紫袋封潞州  
郡開國公降宮女五人其名蓮花者最爲公愛  
幸由是惑溺令恣日酣歌沉湎政事寤廢格爲  
監史所彈至詆公爲狂藥奪爵徙蒲州安置公  
愈落魄自故被羊羔裘持長柄葫蘆與蓮花樂  
以忘死其後子孫繁衍派遠流長不可以地拘  
之人無貴賤事無小大皆不能外之以爲侶也  
然先生雖自謂善交亦不能徹底始如奉高沉  
濫之器清而可浥終則不免卓茂之行已在於  
清濁之間矣故人亦不滿於先生先生曰君子  
之交淡若水若久耽於此且不逮穆生遠甚遂  
去之或曰醉鄉或曰糟丘竟不知其所終後有  
梅塢居士聞先生而慕之遂抽秘思揮毫素擘  
髯而贊之

贊曰

粵惟儀狄

厥裔是由

元祀洽比

宴御孔調

嗟彼狡者

過而及亂

敬告良糾

無使心寘

酒賦

身林

無封少意

醇郁既釀剖自狄康玄纁玉帛禘祀蒸嘗藉之  
成禮芬苾皇皇孝養父母胥慶一堂晉謁佳賓  
式譽且臧投石超距敵慨稱強蓼蕭湛露周家  
孚有道之光廢業斷飲邠原爲東漢之良綿絮  
而間以雞黍斯享而加以羔羊職思其外蟋蟀  
在堂樂只君子南山有桑令儀令德實美名揚  
方其有大朝會也或肆之筵或授之几籩豆有  
楚肴核堆旅旣立之監或佐之史一人當陽敬

而無失濟濟臣工莫不令德方嘉其式禮之莫  
愆奚至於浮鍾而舉白及其大祭祀也八音合  
奏鼓瑟吹笙百禮旣至有壬有林親而子姓疎  
而外賓酌言獻之終事欽欽酌言酬之和樂欣  
欣是謂宿咤乎康爵誠無愧於禴祭之西隣是  
茲雅誼規圓矩方遐思先哲曰篤不忘三王以  
降炎漢李唐六朝五季趙宋元羗悠悠終日滔  
滔醉鄉靡明靡晦石計斗量壺開玉液瓶瀉椒  
芳樽盈縹玉爵泛金漿人亦有言世變江河暢

飲高歌俟河之清人壽幾何如會瓦石職競作  
羅我儀圖之是知其一莫知其他人之齊聖適  
口微醺彼昏不知日夕歡娛總而計之不越兩  
途蕭曹以後賢相陳平傲傲終日呂滅炎興王  
魏以下諫垣楊城陶陶樂飲止相延齡雖醉猶  
愈於不醉乃名聞宮禁之石曼卿坐飲而不同  
於飲班伯謹言紂踞妲己之圍屏陶徵士之籬  
菊王逸少之蘭亭過沛而歌猛士漢高以創業  
而兼守成慶善而懲敬德唐宗身宴樂而志精

明趙整以斯而作戒劉章緣是而成名雖其醇  
疵之不一難逃乎月旦之評然其不至於縱樂  
亦庶乎君子之爭至若迷心鴆毒醉眼昏花腐  
腸忘戒適口詡誇竹林之阮籍高陽之博徒畢  
卓之盜甕知章之鏡湖夏王之糟堤十里文君  
之春日當壚當盛夏而觴河朔非元旦而飲屠  
蘇爲伯有之窟室失祖琤之金羅借言於千鍾  
之堯帝藉口於孔聖之百瓠非言非由式號式  
呼溺志於醇濃之爽口曾不知歲月之幾何甘



心於三爵之不識焉能爲世道之有無此其下  
馬者乎於乎得失之跡成敗之由昭然史冊不  
相爲謀君子得之以適情成禮小人由之以欲  
悵憂沉酗敗亂相爲敵讐彼交匪敖萬福來求  
若小體而害大洵少樂而湛憂碎兕觥之飲器  
絕旨酒之思柔想獨醒之屈子思悔過之衛侯  
永作稽於中德以景仰乎前修

酒銘

儀狄初始惟作琬酒星宿列酒泉郡稱宜城

玉液蒼梧縹清麻姑桑落醪醕更名春釀夏熟  
秋甯冬斟異香滿室綠蟻浮罇蓮花比白竹葉  
並青惠水冷冽醴泉幽馨上郊昊天下祀社靈  
幽冥歆嚮歡宴主賓王孫俠客共醉芳春酌酒  
成禮彝倫攸欽旣能遣興復可陶真飛觴快思  
五盞通神三杯壯志百壺可傾解舒抑鬱淨掃  
塵氛千愁頓釋萬慮頃分宜於客邸暢以良辰  
月下舒抱花底適情周書毖酒二酋公禋曲江  
子美逸少蘭亭畢卓臥齋荷鍾劉伶騎驢太白

當壚文君向王嵇阮共酣竹林賞耽壘學曷憂  
困貧醉鄉出入壽益身輕生無他嗜喜於滿斟  
一吸五斗欲醉十罌酒仙之侶山澤逸民樂茲  
真味叙以酒銘

醉銘

病分四百方載千名能於治症艱以療醒梅稍  
落月帳底殘更房櫳顛倒牕牖霾昏耳邊蟬韻  
滿目浮雲不知朝夕何懼雷霆倦疲四體沉迷  
英蒐欲言難問有夢無成須臾憂患繁滋中心

無能安寢厭聽雞聲嬌姬俊妾枕簟忘情阮公  
連醉胡敢同矜志學屈子衆醉獨醒前歡以失  
往事空矜擒伶之伍我期並臨黻卓之伴亦欲  
偕行展眠徒倚旣屈復伸欹枕就穩牽幃求陰  
淒涼之境寂寞之因喉如野燎肌熱猶焚愁同  
平子渴似曹軍巾袂弗禦芳筵虛陳海錯熊掌  
豹胎猩唇周顛菘菜庾公薤辛茂世紫螯張翰  
青尊歐川桂蠹頽谷榆仁全不知味何由辯玆  
頻呼煮茗欲潤燥咽倦梳雙髻懶整冠襟強茗

狂夫酒語  
書札潦倒迎賓誠堪一咲亦覺傷神深宜節飲  
乃可延齡宜城之碧郵湖之清頓顏瘵肺腐腸  
憊形前車旣覆後乘斯驚俠客恒遇稚子奚聞  
狂夫親歷聊成醉銘

君不見

君不見畢吏部左手持螯右持酒又不見陶荆  
州日日運甕臨齋頭人生得意貴行樂何用勞  
勞空自謀鏡中朱顏昔日妍今來憔悴霜滿顛  
麟閣功勳有誰在鳳樓歌舞向誰傳春光徒自

媚秋月空自圓有酒不能飲經營萬井田田家  
辛苦心計拙歌兒不蓄蓄牧奴一朝黃土覆君  
面蕭疎林木啼哀鳥君不見日西徂

和李賀勸酒歌

遇花對月且飲酒莫向君平卜其壽芳春倏忽  
秋風生不見名花見衰柳人生處世渾如逆旅  
客日日風波君不識怒濤萬丈頃刻間漂零那  
管千年澤巧機妙策誰挽得何如慷慨浮太白  
貧富榮枯無百年堪哂愚夫日哂哂

原韻

零落恓惶一杯酒主人奉觴客長壽主父西游  
困不歸家人折斷門前柳吾聞馬周昔作新豐  
客天荒地老人不識空將牋上兩行書直犯龍  
顏請恩澤我有迷魂招不得雄雞一聲天下白  
少年心事當拏雲誰念幽寒坐鳴呃

和白居易詩酒琴人多薄命予酷好三事

性癖琴詩無別嗜生平縱飲受艱辛鳴琴月下  
忘神倦潦倒花前豈畏貧三尺焦桐涵素抱一  
尊玉液遣閒身湯宗李杜題中奧賡和幽情迥  
俗塵雅調可能祛萬慮村醪聊可醉芳春我儕  
日日耽於此放浪形骸傲世人

原韻

愛琴愛酒愛詩客多賤多窮多苦辛中散步兵  
終不貴孟郊張籍過於貧一之已嘆關於命三  
者何堪併在身只合飄零隨草木誰教凌厲出  
風塵榮名厚祿二千石樂飲閒遊三十春可得  
無厭時咄咄猶言薄命不如人

無須勸酒四言四首命不咬人

幽窓之下有詩有琴一彈一咏樂我天真寡嗜  
無契惟喜蒲斟醉觀蝶栩栩寤聽鳴禽

其二

旨酒在手明月在床褰帷獨酌身世兩忘珮趨  
玉闕何如醉鄉賢愚同盡嗟彼北印

日日其三

忽憶芳春與酒相親黃鶯爲友絳桃爲隣俄然  
轉眼花落成茵時光易邁寒暑催人

不罄杯中物空餘百鎰金園花虛發樹山鳥自  
啼林逝水何能返春回弗易尋已知名利遠凭  
石坐濃陰且盡良辰興情高不厭深頽然成一  
醉滌却俗塵心

原韻

畱侯封萬戶園令壽千金本爲成王業初由賦  
上林繁華安足恃霜露遞相尋鳥哭楚山外猿  
啼湘水陰夢中城闕近天畔海雲深空對忘憂  
酒離愁不去心

蘇轍和庾亮就蒲州使君乞酒

雪飄千嶺玉風撼使人愁  
鳥雀寒難息飛泉凍不流  
俚詞乞故友佳釀熟新秋  
堪羨庾公興情高似隱侯

原韻

蕭瑟風聲慘蒼茫雪貌愁鳥寒棲不定池凝聚  
未流蒲城桑落熟霸岸菊花秋願持河朔飲分  
勸東陵侯

和庾亮荅王司馬餉酒

眷戀故人意樽貽琥珀紅歡顏傾碧竿雅興對  
清風還堪酣阮籍不及醉王戎共酌空庭裏蟾  
光映酒中

原韻

今日小園中桃花數樹紅  
開君一壺酒細雨三春風  
未能浮畢卓猶足舞王戎  
仙人一捧露拚不及杯中

和庾亮奉荅賜酒

金波仙子贈酌我足生平  
把盞情還暢開樽思

狂州海詩  
卷之三  
欲驚狂飈林外吼雜霰牖間鳴醉臥重幃裏毋  
勞問蹇榮

不文原韻

仙童下赤城仙酒餉王平野人相就飲山鳥一  
羣驚細雪翻沙下寒風戰鼓鳴此時逢一醉應  
枯及更榮

和庾亮奉荅賜鷲酒

感爾餽鷲酒開尊愜我心籬畔花初綻天邊日  
欲沉酒縱生羣樂情閒抵萬金一詩堪擬謝醉

我在山林

白且原韻

雲光偏亂眼風聲特噤心冷猿披雪嘯寒魚抱  
凍沉今朝一壺酒寔是勝千金負恩無以謝唯  
知就竹林

和庾亮衛王贈桑落酒奉荅

貽酒故人意杯中泛紫霞興狂歌白雪情逸對  
黃花繁蓼開寒渚閒鷗集晚沙陶然壺欲罄歸  
去步歌斜

原韻

稔人坐狹斜喜得送流霞  
豉窓催酒熟停杯待  
菊花霜風亂飄葉寒水細澄沙  
高陽今日晚應  
有接籬斜

和庾亮聘齊秋晚館中飲酒

籬綻淵明菊詩成杜甫才  
深秋却純扇良夜倒  
金杯坐久風生榻歌殘月滿臺  
從教玉漏促浮  
白且徘徊

原韻

忻茲河朔飲對此洛陽才  
殘秋欲屏扇餘菊尚  
浮杯漳流鳴二水日色下三臺  
無因侍清夜同  
此月徘徊

和庾亮正旦蒙賚酒

新歲開家宴兒童捧玉杯  
屠蘇清更冽楊柳綠  
初迴簫鼓尊前奏梅花枝上開  
隣翁稱賀節歡  
笑入扉來

原韻

正旦辟惡酒新年長命杯  
柏葉隨銘至椒花逐



狂夫詩言 卷一 三卷台  
頌回流星向碗落浮蟻對春開成都已救火蜀  
使何時來

和庾亮蒲州刺史中山公許乞酒一車未

送

明月滿花臺蒲州信不廻未貽玉液至寧得好  
懷開山堂候使下鴈足寄書催千日徒云醉中  
山何得來

原韻

細柳望蒲臺長河始一廻秋葉幾過落春蟻未

曾開瑩角非難馭搥輪稍可催只言千日飲舊  
逐中山來

和庾亮蒙賜酒

瓊漿降玉臺春色遍蒿萊稚子歡迎賜騷人捧  
玉杯黃花籬畔綻綠蟻甕中開叔夜慙勤勸山  
濤倒屣來尊前共罄興酪酏倒高臺

原韻

金膏下帝臺玉曆在蓬萊仙人一遇飲分得兩  
三杯忽聞桑葉落正值菊花開阮籍披衣進王

戎會咲來從今覽仙樂不假向瑤臺

金膏和陸機當置酒

興欲延酒人置酒玄都觀柳條垂幾千桃花開

一半狂蜂枝上忙浪蝶風前亂縱酒學陶潛登

樓賦王粲

原韻

置酒宴佳賓瞻眺臨飛觀絕嶺隔丈餘長嶼橫

江半日色花上綺風光水中亂三益既葳蕤四

始方葱粲

和劉駕醒後

共客對芳尊不覺至更後模糊倒花下席間人

散久醒後興未頽復傾杯持手

原韻

醉臥芳草間酒醒日落後壺觴半傾覆客去應

已久不記折花時何得花在手

對酒四首

狂來俠氣濃把酒對芳叢未飲心先暢三杯俗

慮空思豪歌白雪醉去臥春風為語長安客浮

生似轉蓬  
柳陌鶯聲脆  
花溪浪蝶飛  
當憐佳麗日  
莫負景  
芳菲淑氣侵  
詩骨暄風拂  
翠微攜壺偕  
酒伴不  
醉肯言歸  
問西園  
月夜  
空  
中  
對  
賢  
客  
去  
賦

其三

不對花間釀  
空爲落魄人  
還宜傾數斗  
應惜洛陽春  
擾擾無窮事  
須知有限身  
請看塵世上  
更換幾番新

其四

衰老豈復少  
黃河無迴波  
富貴終有易  
百歲能幾何  
不如飲美酒  
撫掌且高歌  
君看北邙土  
纍纍荒塚多

對酒讀五柳詩

一樽桑落酒  
兩卷五柳詩  
一酌歌一詩  
五內俱怡怡  
此時有真樂  
世人何能知  
得解詩中味  
陶公我可師

勸酒七言古詩二首

踏春郊外拖雙屐古塚幾堆少人跡  
叢叢荆棘混蒿萊哀鳥夜夜啼  
松柏黃土惟畱衰草痕下有偉績  
英雄客精靈千載在何方蒼苔剝  
蝕姓名石聲華今古總成空不如  
飲酒爲上策

其二西苑五洲詩

幾樹桃花間柳枝參差紅綠映隋堤  
輕盈飛燕呈嬌舞趙飛燕美麗文君勸酒卮  
拂拂香風飄錦袖溶溶明月照蛾眉  
猖狂金谷園中樂酪酊花間枕習池  
婆娑俠客歌新調落魄騷人倒接甌

寄語風流年少客問誰能訂百年期  
殷勤且罄杯中物須信人生有別離

野人醉歌

慢啓牀頭綠醕樽  
翛然獨對意還真  
枝頭鳥語爲簫管  
庭畔花開總是春  
持竿從容情思俠  
傾壺已覺氣氤氳  
三杯未盡踈狂興  
五斗風騷難具陳  
且向風前歌一曲  
懶評朝內有絲綸  
長安多少利名者  
不及壚頭縱酒人  
狂來長嘯天風起  
醉後模糊草作茵  
何用細論今古事  
頻將肯

狂夫酒語 卷一 三九三  
酒醉閒身醜醜不識天和地造次高吟若有神  
此樂世間知更寡試將幽思與君聞

狂夫酒語卷之上 終

狂夫酒語卷之

嘉禾梅顛道人周履靖著

金陵荆山書林梓行

和王灣同賀監林月清酌二首

玉鑑懸霄漢清光萬里同當期騷客翫不與俗  
人通如坐水晶裏似臨河朔中開尊歡共賞聯  
句各稱雄

本酒其二

月輪當戶朗翫賞許誰同幽興一宵集清光萬

狂夫酒詩 卷下  
里通風蟬鳴樹杪丹桂落林中逸思尊前爽詩  
才醉後雄

各原韻

華月當秋滿朝英假興同淨林新霽入規院小  
涼通碎影行筵裏搖花落酒中清宵凝爽意併  
此助文雄

和杜甫陪王時御宴通泉東山野亭

野亭開宴賞客至日初斜駐馬看山色擎杯領  
物華林花照澗水汀鷺集寒沙拚醉今宵月和

永睡爾家

原韻

江水東流去清尊日復斜異方同爾賞何處是  
京華亭景臨山水村烟對浦沙狂歌遇形勝得  
醉卽爲家

和杜甫崔駙馬山亭宴集

亭前花發樹池畔鶴梳毛曲水通湖入竒峰接  
漢高新詩揮繭楮宿醞染羅袍宴賞陪蕭史還  
當醉碧醪

原韻

蕭史幽栖地林間踏鳳毛  
湫流何處入亂石閉  
門高客醉揮金碗詩成得錦袍  
清秋多宴會終日困香醪

和陳叔達後渚置酒

筵開當後渚四野起軍輦  
晚色烟迷樹寒光月  
映溪靜聽飛鳳嚙眺望遠山低  
酒罄情無已俄然聽曉雞

原韻

大渚初驚夜中流沸鼓擊  
寒沙浦曲浦夕霧上  
耶谿岸廣鳧飛急雲深鴈度低  
嚴關猶未遂此夕待晨雞

和高正臣晦日置酒林亭

陽和隨氣轉南陌遍韶華  
弱柳金垂岸芳梅玉  
遶家林前風作陣牖外雪飛花  
把盞虛亭裏陶然醉日斜

原韻

正月符嘉節三春翫物華  
忘懷寄樽酒陶性狎

狂夫酒詩 卷下 四卷五  
山家柳翠含烟葉梅芳帶雪花光陰不相惜遲  
遲落景斜

和郎士元宴張舍人宅

不臨河朔宴喜集華堂筵庭砌花迎日池塘水  
接天金杯浮綠醕石鼎裊蒼烟此夕須傾倒醅  
酌寶炬前

原韻

懶尋芳草徑來接待侍臣筵山色如殘雨墻陰覺  
暮天鶯啼漢宮柳花隔杜陵烟地與東城接春

光醉目前

和包佶對酒贈故人

綠酒容人醉清霜帶菊開杯傾愁欲釋髮白老  
將來待月情還愜經秋客未回好題新句慰情  
怯不能裁

原韻

扶起籬披菊霜輕喜重開醉中驚老去咲裏覺  
愁來月送人無盡風吹浪不回感時將有寄詩  
思溼難裁



和駱賓王詠雲酒

色赤渾如珀清醇勝醴泉持螯傲吏部留珮傲  
神仙時滿牀頭甕何須杖上錢嵇康喜得醉興  
至咏長篇

赴小原韻

朔空曾紀曆帶地舊疏泉色泛臨礪瑞香流赴  
蜀仙款交欣散玉洽友悅沉錢無復中山賞空  
吟吳會篇

次韻和白居易對酒

花柳酣情思耽杯動世憎自知酒更洽遇事一  
無能清酌蔬為饌黃昏月作燈任論非與是醉  
後睡騰騰

賈禪原韻

莫上青雲去青雲足愛憎自賢誇智慧相糾鬪  
功能魚爛緣吞餌蛾焦為撲燈不如來飲酒任  
性醉騰騰

蘇軾醉中荅友

金柳藏黃鳥銀鬚映綠樽嬌娥畱客醉老叟咏

歌喧幽砌芬蘭蕙明蟾滿竹軒莫言情思怯壯  
歲興猶存

對酒

不究參同契難憑鼎內砂且開竹裏席燙對石  
邊花綠酒歌清曲紅顏映紫霞百年三萬日幾  
度醉歌斜

尊前憶友

舉杯對孤月獨酌動相思螢火簾端燄蟬聲樹  
杪奇三秋分別路兩載廢題詩此夕情寥寂尊

前憶爾時

對酒遣懷

五十髮未雪歡娛勝少時看花忘去遠沽酒較  
來遲詩賦情還廣巖居志不卑百年知有限何  
必蹙雙眉

飲後夜醒

飲罷客歸程登樓步履傾枕邊和酒睡簷畔月  
初明強起傍窓倚高呼索茗烹盤桓猶未已忽  
聽曉雞聲

醉後口占

笙歌滌塵耳杯酒逐閒愁  
遇客應狂咲逢花須  
滿頭憶傾元旦酒不覺報新秋  
歲月忙奔走韶  
光不肯畱

歌酒

生惟嗜旨酒遂與世情乖  
賡咏增豪思開尊動  
好懷淵明興更洽阮籍趣相諧  
爛醉名花底何  
妨倒石街

與友對酒吟詩

與君酌春酒對月醉吟詩  
歲月如推轂人生似  
奕棊林花爲故友谷鳥是相知  
且盡尊前興毋  
勞身後思

樂酒

豈羨人間利與名尊壘聊可寄  
餘生興來拉客  
花前飲樂至哦詩竹底行有酒  
莫辭千日醉無  
官猶喜一身輕醅醕不管塵中事  
日上東窓未  
解醒

勸酒

王夫酒語

林中潦倒一潛夫癖性年來思不孤樂志湯吟  
詩百首怡情豪釐酒三壺晴春挈榼尋花柳秋  
月携尊泛石湖對客湯歌成逸興謀生之計且  
模糊

中酒

夜醉壺觴神思怯擁衾垂帳只堪眠耳邊彷彿  
鳴簫管眼底模糊障霧烟夢去頻揮杯敬客醒  
來急喚茗烹泉高陽俠客休沉酒聊寄餘情入  
後聯

空腹蚤酌

李白高情草東招曉來風雪半空飄謾看郊甸  
將盈尺且擁松爐可進瓢酒聖卯時先得樂山  
人酉刻後無聊夢回孤枕天將曙宿酒侵晨尚  
未消

晚醉

山妻相共話從容甕內新芻味正濃窓外俄驚  
飄白雪樽前方喜煮青葙幾卷古詩吟杜甫三  
杯濁酒酌周顛醉後却忘歸枕席兒曹應是咲

龍鍾

索酒吳伯度

東吳公子度非常  
高築園亭野水傍  
與共賓朋浮綠蟻  
閒看鷗鷺戲滄浪  
堦前孤鶴翻清影  
庭畔雙梅發異香  
借問新筇盃幾甕  
可傾五斗醉

周郎

和牟融秋夜醉歸有感而賦

飲興歌狂頃夜闌  
醉吟新句是成歡  
歸來忽聽更聲促  
睡去俄驚斗柄殘  
帳底梅枝涵月影  
牀頭繡纈禦秋寒  
夢回渾似相如渴  
啜茗推窓天氣漫

頭繡纈禦秋寒  
夢回渾似相如渴  
啜茗推窓天氣漫

原韻

啣杯誰道易更闌  
沉醉歸來不自歡  
惆悵後時孤劍冷  
寂寥無寐一燈殘  
竹窓涼雨鳴秋籟  
江郭清砧搗夜寒  
多少客懷消不得  
臨風搔首浩漫漫

和張說醉中作

不識人知否  
醉時勝醒時  
模糊歌雅調  
幽興紀

新詩

原韻

醉後無窮樂全勝未醉時動客皆是舞出語總

成詩

和孟浩然醉後贈馬四

拙訥惟耽酒生平懶皺眉醉來眠石榻醒後月

淪時

原韻

四海重然諾吾嘗聞白眉秦城遊俠客相得半

酣時

和李崇嗣獨愁詩

甕頭酒初熟不必向人求漫傾四五竿掃却此

時愁

原韻

聞道成都酒無錢亦可求不知將幾斗消得此

來愁

和于武陵勸酒

醞醖盈玉卮勸君君莫辭一夜風雨惡枝頭花

欲離

原韻

勸君金屈卮滿酌不須辭  
花發東風雨人生足  
別離

醉後

梅顛思更粗三盞卽高呼  
問君能諒不度量有  
江湖

和李太白客中行

甕頭酒熟十程香甕面輕浮  
湫灩光不問主人

多少價鯨吞幾斗臥江鄉

原韻

蘭陵美酒鬱金香玉碗盛來琥珀光  
但使主人能醉客不知何處是他鄉

和岑參醉戲竇子美人

丹唇皓齒宓妃般桃花幾朵掩雲鬟  
座中喜有傾城色我輩風流倒玉山

原韻

朱唇一點桃花殷宿妝嬌羞偏善鬢  
細看只似

陽臺女醉看其許歸巫山

和岑參酒泉太守席上醉後作

一飲五斗便起舞狂來琴瑟不能鼓  
今宵縱飲暢詩腸那管空庭傾盆雨

原韻

酒泉太守能劍舞高堂置酒夜擊鼓  
胡笳一曲

斷人腸座上相看淚如雨

和岑參戲問花門酒家翁

狂夫終日耽於酒未到酉時杯到口  
鸚鵡不肯

典酒錢問翁貰酒肯也否

原韻

老人七十仍沽酒手壺百甕花門口  
道傍榆莢

仍似錢摘來沽酒君肯否

和王昌齡龍標野宴

水畔幽亭納晚風翛然把盞對花叢  
莫愁塵世

無窮事掌上金危不可空

原韻

沅溪夏晚足涼風春酒相携就竹叢  
莫道絃歌



愁遠謫青山明月不曾空

和王昌齡李倉曹宅夜飲

菘盤畱客共追歡  
滿泛金甌却夜寒  
情洽劇談忘漏永  
臨窓對月醉中看

原韻

霜天畱後故情歡  
銀燭金爐夜不寒  
欲問吳江別來意  
青山明月夢中看

和李商隱花下醉

花如錦繡酒如霞  
痛飲從教斗柄斜  
雞唱日高猶未散  
朦朧醉眼看山花

猶未散朦朧醉眼看山花

原韻

尋芳不覺醉流霞  
倚樹沉眠日已斜  
客散酒醒深夜後  
更村紅燭賞殘花

和唐劉商醉後口號二首

酒尊詩卷伴孤身  
儋石無儲不謂貧  
終日花前博一醉  
任教塵世喚狂人

其二

梅花杯酒寄閒身  
一任家如原憲貧  
醉來欲跨

雲中鶴飛入蓬萊作散人

原韻

春月秋風老此身一瓢長醉任家貧醒來還愛  
浮萍草漂寄官河不屬人

和白居易同李十一醉憶元九

詩能遣興醉忘愁縱飲何妨那用籌屈指微之  
別去久也應此夕住梁州

原韻

花時同醉破春愁折取花枝當酒籌忽憶故人

天際去計程今日到梁州

和韓子蒼謝信守連鵬舉送酒

雨遍長林生寂寞蕭齋獨坐欲持杯故人憐我  
詩腸澁特遣山童送酒來

原韻

上饒藉甚文章守曾共紫薇花下杯鈴閣晝閒  
思老病故教從事送春來

和陳無已席上勸酒

酒滿金尊詩思寬詩吟未就酒先乾興如畢卓

狂如阮莫把時人一樣看

原韻

稍開襟抱使心寬大放酒腸須盡乾珠簾十里城南道肯作當年小杜看

和元禎十二醉

先醉

我儕空負五斗量一壺未罄情欲昏糊糶不辨天與地弗脫荷衣臥蘚痕

獨醉

流鶯巧語梅花底山人靜坐幽窓裏開尊獨酌樂閒情忽覺沉酒扶不起

宿醉

昨宵皓月滿長空秦女擎杯興不窮漏盡曲終情未徹朝來猶自睡朦朧

懼醉

暮年漸覺四肢疲遇酒空懷少壯時但適幽情傾一竿恐成酩酊損詩脾

羨醉

嘉賓共宴習家池與味還同昔阮嵇佳釀吳姬  
成四美花前傾倒却如泥

憶醉

洛陽歌舞花間醉屈指俄驚廿載奇共醉賓朋  
半狼藉蒲前荒土使人悲

病醉

兼旬共客泛湖頭酒美賓嘉興更悠不覺放懷  
傾數斗朝來委頓使人愁

擬醉

騷客分題索和賡高燒絳蠟坐深更興狂不覺  
天將曙步履渾如宿酒醒

勸醉

花滿江城月滿樓尊中綠醕色如油逢歡不飲  
誠堪惜光景何曾爲客畱

任醉

天爲羅帳草爲茵綠酒傾尊不厭頻拚取今朝  
和月醉石頭欹枕臥閒身

同醉

芳春拉客探東郊柳浦流鶯花浦稍席地開尊  
成宴賞共拚此夜倒蓬茅

狂醉

吳姬高唱白苧曲騷客頻傾碧玉杯一曲一歌  
狂起舞淋漓羅袖倒花臺

和陸機飲樂

新篘一甕清醇與酒堪爲主賓興至兩袖起舞  
醉來傍若無人

和郎士元寄李袁州桑落酒

味同桑落宿醞美勝甕頭新春應寄山中逸客  
難貽世上俗人

原韻

色比瓊漿猶嫩香同甘露仍春十千提携一斗  
遠送瀟湘故人

狩犬酒詩

卷下

七卷全



